

四庫全書

史部

欽定四庫全書

史部

資治通鑑卷一百六十四

至六

詳校官修撰_臣錢 榮

洗馬_臣王坦修履勘

總校官知縣_臣楊懋珩

校對官中書_臣葉 蘭

膳錄監生_臣鄧 培

欽定四庫全書

資治通鑑卷一百六十四 宋

司馬光 撰

胡三省 音註

梁紀二十

起重光協洽盡玄
默澹難凡二年

太宗簡文皇帝下

大寶二年春正月新吳余孝頃舉兵拒侯景

漢靈帝中
平中立新

吳無錫豫章郡隋
省新吳入建昌縣

景遣于慶攻之不克 庚戌湘東王

繹遣護軍將軍尹悅安東將軍杜幼安巴州刺史王珣

將兵二萬自江夏趣武昌

江夏今鄂州武昌今壽昌軍將即亮翻夏戶雅翻趣七喻

翻考異曰典略在去
年十一月今從太清記

受徐文盛節度

楊乾運攻拔

劒閣楊法昌退保石門

去年武陵王紀遣楊乾運討楊法琛祝穆曰大劒山在今劒門

閬之劒門縣大劒山西北三十里有小劒山輿地廣記曰山有小石門穿山通道六丈有餘即秦所通石牛道也又魏收志武都郡治石門縣隋為將利縣魏志東益州武興郡有石門縣仇池郡有西石門縣輿地紀勝龍州江油縣東百里有石門戍杜佑曰龍州治江油縣有石門山與氏分界蓋蜀多山險地之以石門名者多矣唐志利州景谷縣西有石門閬此蓋楊法昌退保之地

乾運據南陰平

晉永嘉流寓置南陰

平於縣竹之長楊楊乾運既拔劒閣無緣棄險退保縣竹五代志南梁州有陰平縣宋之北陰平郡也九域志

劍州東北五十里有劍門縣西北百六十里有陰平縣乾運所據其北陰平歟若漢志之陰平道則今之文州是也又在西北故以此為南陰平

辛亥齊主祀圓丘 張彪遣其將

趙稜圍錢塘孫鳳圍富春侯景遣儀同三司田遷趙伯

超救之稜鳳敗走

考異曰典畧去年十一月彪自圍錢塘與趙伯超戰敗於臨平死者八

萬餘人走還刻伯超兄子稜在彪軍中謀殺彪偽請與彪盟引小刀披心出血自軟彪信之亦取刀刺血報之刀適至心稜以手按之刀斜入不深彪頓絕稜謂已死出外告彪諸將云彪已死當共求富貴彪左右韓武入視之彪已蘇細聲謂曰我尚活可與手武遂誅稜彪復奉表於湘東王繹今從太清紀

稜伯超之

兄子也 癸亥齊主耕籍田乙丑享太廟 魏楊忠圍

汝南李素戰死

李素納邵陵王綸見上卷上年

二月乙亥城陷執邵陵

攜王綸殺之

考異曰太清紀云宇文泰遣忠襲綸詐稱來相禮接綸白服與相見執而害之今

從梁書南史

投尸江岸岳陽王譽取而葬之或告齊太尉

彭樂謀反壬辰樂坐誅

齊遣散騎常侍曹文皎使於

江陵

散悉亶翻騎奇寄翻使疏吏翻曰典畧在正月甲午朔今從太清紀

考異

湘東王繹

使散騎常侍王子敏報之

侯景以王克為太師宋子

仙為太保元羅為太傅郭元建為太尉張化仁為司徒

或曰張化仁即支化仁

任約為司空王偉為尚書左僕射索超世

為右僕射

索蘇各翻

景置三公官動以十數儀同尤多以子

仙元建化仁為佐命元功偉超世為謀主于子悅彭雋

主擊斷

斷丁亂翻

陳慶呂季略盧暉略丁和等為爪牙梁人

為景用者則故將軍趙伯超前制局監周石珍內監嚴

亶

內監領內器仗

邵陵王記室伏知命自餘王克元羅及侍中

殷不害太常周弘正等景從人望加以尊位非腹心之

任也

北兗州刺史蕭邕謀降魏侯景殺之楊乾運

進據平興平興者楊法琛所治也法琛退保魚石洞乾

運焚平興而歸

五代志義城郡景谷縣舊曰白水置平興郡唐志武德四年以利州之景谷及

龍州之方維置沙州貞觀元年州廢省方維為鎮以景

谷還屬利州西有石門關西北有白渠魚老二鎮城九

域志文州曲水縣有方維鎮劉煦曰利州景

谷縣漢白水縣地宋置平興縣隋為景谷縣

李遷仕

收衆還擊南康

去年李遷仕敗走保寧都

陳霸先遣其將杜僧明等

拒之

將即亮翻

生擒遷仕斬之

考異曰太清紀在四月云遷仕追霸先於雲都縣連營

相拒百餘日是月廣州刺史蕭物達歐陽隄水步萬餘

人來援隄與戰大破之斬遷仕首餘黨悉降霸先引軍

前進今

湘東王繹使霸先進兵取江州以為江州刺史

從陳書

三月丙午齊襄城王曄卒 庚戌魏文帝殂

年四十五 太

子欽立

欽文帝之長子也母乙弗后

乙卯徐文盛等克武昌進軍

蘆洲

蘆洲在武昌西晉伍胥去楚出關於江上求渡漁父歌曰灼灼兮已私與子期兮蘆之漪子胥既渡

解劍與之辭不受漁父遂覆舟而死即其處水經注漢鄉縣故城南對蘆洲蘇軾曰武昌縣劉郎汰正與蘆洲相對伍子胥奔吳所從渡江也亦曰伍洲

已未齊以湘東王繹為梁相國

建梁臺摠百揆承制

齊司空司馬子如自求封王齊

主怒庚子免子如官

任約告急侯景自帥衆西上攜

太子大器從軍以為質

帥讀曰率上時掌翻質音致

留王偉居守

守手

又閏月景發建康

考異曰梁帝紀三月丁未景發京師典略云閏三月丁未按乙卯徐文

盛克武昌不容丁未景已發建康閏三月甲戌朔無丁未蓋字誤也

自石頭至新林舳舻

相接

舳音逐
舻音盧

約分兵襲破定州刺史田龍祖於齊安

上卷

作田祖龍此作田龍祖必有一誤五代志黃州黃岡縣齊曰南安置齊安郡九域志黃岡縣有齊安鎮

壬

寅景軍至西陽與徐文盛夾江築壘癸卯文盛擊破之

射其右丞庫狄式和墜水死

射而亦翻

景遁走還營夏四

月甲辰魏葬文帝於永陵郢州刺史蕭方諸年十五

以行事鮑泉和弱常侮易之

易以政翻

或使伏牀騎背為馬

恃徐文盛軍在近不復設備日以蒲酒為樂

復扶又翻蒲酒樽蒲

飲酒也
樂音洛

侯景聞江夏空虛

夏戶雅翻

乙巳使宋子仙任約帥

精騎四百由淮內襲郢州

自西陽至江夏百五十餘里景使宋子仙等蓋由蘆洲上

流渡兵以襲之帥讀曰率騎奇寄翻下同

丙午大風疾雨天色晦冥有登陴

望見賊者告泉曰虜騎至矣泉曰徐文盛大軍在下賊

何由得至當是王珣軍人還耳既而走告者稍衆始命

閉門子仙等已入城方諸方踞泉腹以五色綵辨其髯

辨補典翻父結也

見子仙至方諸迎拜泉匿於牀下子仙俯窺

見泉素髯間綵

間古翻

驚愕遂擒之及司馬虞豫送於景

所景因便風中江舉帆遂越文盛等軍丁未入江夏文

盛衆懼而潰與長沙王韶等逃歸江陵

上甲侯韶去年
緡封為長沙王

王珣杜幼安以家在江夏遂降於景

降戶
江翻

湘東王繹以

王僧辯為大都督帥巴州刺史丹陽淳于量定州刺史

杜龕宜州刺史王琳郴州刺史裴之橫東擊景

五代志
巴陵郡

梁置巴州夷陵郡梁置宜州桂陽
郡梁置郴州龕苦舍翻郴丑林翻

徐文盛以下並受節

度龕岸之兄子也戊申僧辯等軍至巴陵

自江陵至巴
陵四百一十

里自巴陵至江
夏三百五十里

聞郢州已陷因留戍之繹遣僧辯書曰

賊既乘勝必將西下

遺于季翻自江夏指江陵當作西上

不勞遠擊但守

巴丘

巴丘即巴陵有巴丘山

以逸待勞無虜不克又謂將佐曰賊

若水步兩道直指江陵此上策也據夏首積兵糧中策

也悉力攻巴陵下策也巴陵城小而固僧辯足可委任

景攻城不拔野無所掠暑疫時起食盡兵疲破之必矣

湘東安能料敵如此當時作史者為之辭耳將即亮翻夏戶雅翻

乃命羅州刺史徐嗣

徽自岳陽武州刺史杜崩自武陵引兵會僧辯

五代志湘陰縣

梁置羅州及岳陽郡湘陰隸屬巴陵郡又梁置武州於武陵郡崩士力翻

景使丁和將兵五

千守夏首宋子仙將兵一萬為前驅趨巴陵

喻翻

分遣

任約直指江陵景帥大兵水步繼進於是緣江戍邏望

風請服景拓邏至于隱磯

拓斤開也邏遮也巡也拓開巡邏以張兵勢邏魯可翻又

魯佐翻水經江水自公安而東過下雋縣北又東逕彭城磯北彭城磯北對隱磯二磯之間大江之中也僧

辯乘城固守偃旗卧鼓安若無人壬戌景衆濟江

自隱磯濟

江考異曰梁帝紀作甲子今從太清記

遣輕騎至城下問城內為誰答曰

王領軍騎曰何不早降

江降戶翻

僧辯曰大軍但向荊州此

城自當非礙

言兵若向荊州此城當非礙

騎去頃之執王珣等至城

下使說其弟琳琳曰兄受命討賊不能死難

說式芮翻
難乃旦翻

曾不內慙翻欲賜誘取弓射之珣慙而退景肉薄百道

攻城

薄伯各翻

城中鼓譟矢石雨下景士卒死者甚衆乃退

僧辯遣輕兵出戰凡十餘返皆捷景披甲在城下督戰

誘音酉射而亦
翻被皮義翻

僧辯著綬乘輿奏鼓吹巡城

著陟略翻
綬音受吹

昌瑞翻

景望之服其膽勇岳陽王譽聞侯景克郢州遣蔡

大寶將兵一萬進據武寧

五代志竟陵郡樂鄉縣舊置
武寧郡劉昫曰樂鄉漢郡縣

也其地當在今郢州長壽縣西北宋白曰桓玄立武寧
郡於故編縣城其屬有長林縣與郡俱立分編縣所置

也遣使至江陵詐稱赴援

使疏吏翻

衆議欲答以侯景已破

令其退軍湘東王繹曰今語以退軍

語半倨翻

是趣之令進

也

趣請曰促

乃使謂大寶曰岳陽累啓連和不相侵犯卿那

忽據武寧今當遣天門太守胡僧祐精甲二萬鐵馬五

千頓澣水待時進軍答聞之召其軍還

建居偃翻還從宣翻又如字

僧祐南陽人也

五月魏隴西襄公李虎卒

侯景晝

夜攻巴陵不克軍中食盡疾疫死傷太平湘東王繹遣

晉州刺史蕭惠正將兵援巴陵惠正辭不堪舉胡僧祐

自代僧祐時坐謀議忤旨繫獄

據梁書胡僧祐傳時西沮蠻反使僧祐討之令

盡誅其渠帥僧祐誅忤旨下獄忤五故翻

繹即出之拜武猛將軍令赴援戒

之曰賊若水戰但以大艦臨之必克

艦戶照翻

若欲步戰自

可鼓棹直就巴丘不須交鋒也僧祐至湘浦

湘水入湖之口曰浦

景遣任約帥銳卒五千據白壻以待之

壻又尺翻

僧祐由它

路西上

上時掌翻

約謂其畏已急追之及於芋口

據姚思廉梁書芋口

在南平郡安南縣界

呼僧祐曰吳兒何不早降

降戶江翻

走何所之僧

祐不應潛引兵至赤沙亭

水經注澧水過作唐縣北而東逕安南縣南又東與赤湖

赤沙南連青草橫亘七八百里又有赤亭城二面臨水
即胡僧祐所據杜佑曰巴陵郡西華容界
有赤亭城城近赤亭湖因名任約擒於此
會信州刺史

陸法和至與之合軍法和有異術隱於江陵百里洲

盛弘之

之荊州記曰百里洲在枝江縣縣左右
有數十洲集布川中百里洲為最大

衣食居處一如

苦行沙門

苦行沙門謂沙門能清苦守戒行者也
庚昌呂翻行下孟翻

或豫言吉凶

多中

中竹仲翻

人莫能測侯景之圍臺城也或問之曰事將

何如法和曰凡人取果宜待熟時不捺自落

捺落雕翻攬取物也

固問之法和曰亦克亦不克

亦克謂侯景取臺城不克謂景終於敗也法和若設

為兩端之言使人莫之測而卒之言驗

及任約向江陵法和自請擊之繹

許之壬寅約至赤亭六月甲辰僧祐法和縱兵擊之約

兵大潰殺溺死者甚衆

溺奴秋翻

擒約送江陵景聞之乙巳

焚營宵遁以丁和為郢州刺史留宋子仙等衆號二萬

戍郢城別將支化仁鎮魯山

考異曰梁帝紀作魏司徒張化仁按魏司徒安得

為景守城今從典略

范希榮行江州事

考異曰典略云江州刺史今從太清紀

儀同

三司任延和晉州刺史夏侯威生守晉州

梁於晉熙郡置晉州

景

與麾下兵數千順流而下丁和以大石磕殺鮑泉及虞

預沈於黃鶴磯

磯古盍翻沈持林翻祝穆曰黃鶴山一名黃鵠山在江夏縣東九里近縣西北

二里有黃鶴磯水經注黃鵠山東北對夏口城黃鵠磯直鵲鵠洲之下尾

任約至江陵繹赦

之徐文盛坐怨望下獄死

下遯稼翻下東下同

巴州刺史余孝頃

遣兄子僧重將兵救鄱陽于慶退走

余孝頃起於新吳梁投以巴州刺史

考異曰長曆六月癸卯朔太清紀一日慶走二日擒任約三日景走今從梁帝紀

繹以王僧辯

為征東將軍尚書令胡僧祐等皆進位號使引兵東下

陸法和請還既至謂繹曰侯景自然平矣蜀賊將至請

守險以待之

法和知武陵王紀必東下

乃引兵屯峽口

巫峽之口也

庚申

王僧辯至漢口先攻魯山擒支化仁送江陵辛酉攻郢

州克其羅城斬首千級宋子仙退據金城僧辯四面起

土山攻之豫州刺史荀朗自巢湖出濡須邀景破其後

軍

荀朗起兵據巢湖帝密詔授豫州刺史使討景

景奔歸船前後相失太子船

入樅陽浦

樅七容翻

船中腹心皆勸太子因此入北太子曰

自國家喪敗志不圖生主上蒙塵寧忍違離左右

喪息浪翻

離力智翻

吾今若去是乃叛父非避賊也因涕泗嗚咽即命

前進

毛詩注自目曰涕自鼻曰泗史言哀太子之孝

甲子宋子仙等困蹙乞輸

郢城身還就景王僧辯偽許之命給船百艘以安其意

艘蘇刀翻

子仙謂為信然浮舟將發僧辯命杜龕帥精勇千

人攀堞而上

龕苦含翻帥讀曰率下同堞達協翻上時掌翻

鼓譟奄進水軍主

宋遙帥樓船暗江雲合

言樓船四合如雲江為之暗

子仙且戰且走

至自楊浦

白楊浦蓋去郢城未遠

大破之周鐵虎生擒子仙及丁

和送江陵殺之庚午齊主以司馬子如高祖之舊復

以為太尉

是年三月齊主免子如官復扶又翻

江安侯圓正為西陽太

守

宋白曰江安縣本漢江陽縣地

寬和好施

好呼到翻施式智翻

歸附者衆有兵

一萬湘東王繹欲圖之署為平南將軍及至弗見使南

平王恪與之飲醉因囚之內省分其部曲使人告其罪

荆益之豐自此起矣

圓正武陵王紀第二子也為紀東下攻繹張本豐許觀翻

陳

霸先引兵發南康瀨石舊有二十四灘會水暴漲數丈

三百里間巨石皆沒霸先進頓西昌

章貢圖經曰東江發源於汀州界之

新樂山經雩都而會于章水西江導源於南安大庾縣之聶都山與貢水合會于贛水二水合而為贛在州治後北流一百八十里至萬安縣界由萬安而上為灘十有八怪石如精鐵突兀廉厲錯峙波面自贛水而上信豐寧都俱有石磧險阻視十八灘故俚俗以為上下三百里贛石吳立西昌縣屬廬陵郡今在吉州太和縣界

鐵勒將伐柔然突厥酋長土門邀擊破之盡降其衆

五萬餘落

厥九勿翻酋慈秋翻長知兩翻降戶江翻

土門恃其彊盛求婚於

柔然柔然頭兵可汗大怒使人詈辱之曰爾我之鍛奴

也

突厥本柔然鐵工故云然可從刊入聲汗音寒詈力智翻

何敢發是言土門亦怒

殺其使者遂與之絕而求婚於魏魏丞相泰以長樂公

主妻之

使疏吏翻樂音洛妻七細翻

秋七月乙亥湘東王繹以長

沙王韶監郢州事

監工衙翻

丁亥侯景還至建康

考異曰典略作六

月壬戌太清紀作七月二十日今從梁帝紀

于慶自鄱陽還豫章侯瑱閉門

拒之慶走江州據郭默城

走音奏晉將郭默反時所繹

以瑱為兗州刺史

據瑱傳授南兗州刺史

景悉殺瑱子弟

侯景留瑱子弟

為質見上卷上年

辛丑王僧辯乘勝下湓城

下遷嫁翻

陳霸先帥所

部三萬人將會之屯于巴丘

此吳所置巴丘縣也屬廬陵郡界帥讀曰率

西

軍乏食

王僧辯之軍自荊州來故謂之西軍

霸先有糧五十萬石分三十

萬石以資之八月壬寅朔王僧辯前軍襲于慶慶奔郭

默城走范希榮亦奔尋陽城走晉熙王僧振等起兵圍

郡城僧辯遣沙州刺史丁道貴助之

魏收志梁武帝置沙州治白沙闕城

領建寧齊安郡當在黃州黃岡縣界

任延和等弃城走

任音

湘東王繹命

僧辯且頓尋陽以待諸軍之集初景既克建康常言吳

兒怯弱易以掩取

易弋鼓翻

當須拓定中原然後為帝景尚

帝女漂陽公主嬖之妨於政事

漂音栗嬖平義翻又博計翻

王偉屢

諫景景以告主主有惡言偉恐為所讒因說景除帝

說式芮翻

及景自巴陵敗歸猛將多死

謂宋子仙之屬將即亮翻

自恐不能久

存欲早登大位王偉曰自古移鼎

武王克商遷九鼎於洛邑故後之奪人之

國者率謂之移鼎

必須廢立既示我威權且絕彼民望景從之

使前壽光殿學士謝昊為詔書以為弟姪爭立

弟謂湘東王繹

武陵王紀姪謂河東王譽岳陽王譽

星辰失次皆由朕非正緒召亂致災

宜禪位於豫章王棟使呂季略齎入逼帝書之棟歡之

子也

華容公歡昭明太子之子

戊午景遣衛尉卿彭雋等帥兵入殿

廢帝為晉安王幽於永福省悉撤內外侍衛使突騎左

右守之牆垣悉布枳棘

枳似橘而多刺棘似棗而多刺帥讀曰率騎奇寄翻枳諸氏翻

庚申下詔迎豫章王棟棟時幽拘廩餼甚薄

餼許氣翻

仰疏

茹為食方與妃張氏鉏葵

葵菜也

法駕奄至棟驚不知所

為泣而升輦景殺哀太子大器尋陽王大心西陽王大

鈞建平王大球義安王大昕及王侯在建康者二十餘

人太子神明端凝

凝魚力翻

於景黨未嘗屈意所親竊問之

太子曰賊若於事義未須見殺

事義猶言事宜也

吾雖陵慢呵

叱終不敢言若見殺時至雖一日百拜亦無所益又曰

殿下今居困阨而神貌怡然不貶平日何也

貶損也

太子

曰吾自度死日必在賊前

度徒洛翻

若諸叔能滅賊賊必先

見殺然後就死若其不然賊亦殺我以取富貴安能以

必死之命為無益之愁乎及難

難乃旦翻

太子顏色不變徐

曰久知此事嗟其晚耳刑者將以衣帶絞之太子曰此不能見殺命取帳繩絞之而絕壬戌棟即帝位

考異曰典略

作壬辰誤今從太清紀

大赦改元天正太尉郭元建聞之自秦郡

馳還謂景曰主上先帝太子既無愆失何得廢之景曰

王偉勸吾云早除民望吾故從之以安天下元建曰吾挾天子令諸侯猶懼不濟無故廢之乃所以自危何安之有景欲迎帝復位以棟為太孫王偉曰廢立大事豈

可數改邪乃止

數所角翻

乙丑景又使殺南海王大臨於吳

郡南郡王大連於姑孰

考異曰太清紀云於九江今從梁書

安陸王大

春於會稽高唐王大壯於京口

大臨時為吳郡太守大連時為江州刺史在姑

孰大春時為東揚州刺史姚思廉梁書大壯作大莊始封高唐郡公後進封新興王時為南徐州刺史皆就殺

之會工外翻

以太子妃賜郭元建元建曰豈有皇太子妃乃

為人妾乎竟不與相見聽使入道丙寅追尊昭明太子

為昭明皇帝豫章安王為安皇帝

華容公歆進封豫章王薨謚曰安

金

華敬妃為敬太皇太后

昭明太子妃蔡氏昭明既薨武帝為妃別立金華宮供侍一同常儀

薨謚曰敬按敬妃已薨只當追謚
皇后以從夫曰太皇太后非也 豫章太妃王氏為皇

太后妃張氏為皇后以劉神茂為司空 九月癸巳齊

主如趙定二州

五代志趙郡大陸縣舊曰廣同置殷州及南鉅鹿郡後改為南趙郡改殷州為

定州治中山

遂如晉陽己亥湘東王繹以尚書令王僧辯為

江州刺史江州刺史陳霸先為東揚州刺史 王偉說

侯景弑太宗以絕衆心

侯景尊帝廟號曰高宗元帝追謚曰簡文皇帝廟號太宗說式

尚翻 景從之冬十月壬寅夜偉與左衛將軍彭雋王修纂

進酒於太宗曰丞相以陛下幽憂既久使臣等來上壽

上時
掌翻

太宗笑曰已禪帝位何得言陛下此壽酒將不盡

此乎

言壽將盡於此酒

於是雋等齎曲項琵琶

杜佑曰傳玄琵琶賦云漢遣公

主嫁烏孫念其行道思慕故使工人裁箏筑為馬上之樂今觀其器中虛外實天地象也盤圓柄直陰陽象也柱十有二配律呂也四絃法四時也以方俗語之曰琵琶取其易傳於外國也風俗通云以手琵琶因以為名釋名曰推手前曰批引手却曰把杜鰲曰秦人苦長城之役絃鼗而鼓之並未詳孰是今清樂奏琵琶俗謂之秦漢子圓頭修頸而小疑是絃鼗之遺制傳玄云體圓柄直柱十有二其他皆允上說下曲項形制稍大本出胡中俗傳是漢制兼用兩制者謂之秦漢據此事則南朝似無曲項琵琶劉昫曰琵琶四絃曲項琵琶五絃出中胡與太宗極飲太宗知將見殺因盡醉曰不圖為樂之

至於斯也

樂音洛

既醉而寢偉乃出雋進土囊修纂坐其

上而殂

年四十九

偉撤門扉為棺遷殯於城北酒庫中太宗

自幽繫之後無復侍者及紙

復扶又翻

乃書壁及板障

柱間不為

壁以板為障施以丹漆因謂之板障

為詩及文數百篇辭甚悽愴

愴五亮翻

景

謚曰明皇帝廟號高宗

侯景之逼江陵也湘東王繹

求援於魏命梁秦二州刺史宜豐侯循以南鄭與魏

晉志

豫章郡有宜豐縣

召循還江陵循以無故輸城非忠臣之節

考

異曰南史宜豐侯修今從梁書報曰請待改命魏太師泰遣大將軍達

奚武將兵三萬取漢中

將即亮翻

又遣大將軍王雄出子午

谷攻上津

五代志西城郡豐利縣梁置南上洛郡西魏改郡曰豐利後周省郡入上津郡唐以上津

為縣屬商州

循遣記室參軍沛人劉璠求援於武陵王紀

璠字

袁翻

紀遣潼州刺史楊乾運救之循恢之子也

鄱陽王恢武帝之弟

王僧辯等聞太宗殂丙辰啓湘東王繹請上尊號

上時掌翻

下復上同考異曰典略作乙卯今從太清紀

繹弗許

司空東道行臺劉神

茂聞侯景自巴丘敗還陰謀叛景吳中士大夫咸勸之

乃與儀同三司尹思合劉歸義王晷雲麾將軍元頴等

據東陽以應江陵

顯居筠翻又紆綸翻

遣顯及別將李占下據建

德江口

五代志東陽郡金華縣隋廢建德縣入焉唐武德四年復置建德縣分為睦州治所今東陽江

新安江合於州城南十里將即亮翻

張彪攻永嘉克之新安民程靈洗起

兵據郡以應神茂於是浙江以東皆附江陵湘東王繹

以靈洗為譙州刺史領新安太守

程靈洗字玄滌洗讀如字湘東以刺史寵

靈洗實領新安太守職新

十一月乙亥王僧辯等復上表勸進

復扶

又翻湘東王繹不許戊寅繹以湘州刺史安南侯方矩為

中衛將軍以自副

考異曰梁書在八月辛亥今從太清紀

方矩方諸之弟

也以南平王恪為湘州刺史侯景以趙伯超為東道行臺據錢塘以田遷為軍司據富春以李慶緒為中軍都督謝答仁為右廂都督李遵為左廂都督以討劉神茂

己卯加侯景九錫漢國置丞相以下官己丑豫章王

棟禪位于景景即皇帝位于南郊還登太極殿其黨數

萬皆吹脣鼓譟而上

上時掌翻

大赦改元太始封棟為淮陰

王并其二弟橋樛同鎖於密室

樛居蚪翻

王偉請立七廟景

曰何謂七廟偉曰天子祭七世祖考并請七世諱景曰

前世吾不復記唯記吾父名標且彼在朔州那得來噉

此

侯景本懷朔鎮人魏改懷朔鎮為朔州

衆咸笑之景黨有知景祖名乙

羽周者自外皆王偉制其名位追尊父標為元皇帝景

之作相也以西州為府文武無尊卑皆引接及居禁中

非故舊不得見由是諸將多怨望

將即亮翻

景好獨乘小馬

彈射飛鳥

好呼到翻彈射飛鳥北俗也彈徒丹翻射而亦翻

王偉每禁止之不

許輕出景鬱鬱不樂

樂音洛

更成失志曰吾無事為帝與

受損不殊

損弃也損斥者不得預人事故事景以為言

壬辰湘東王以長沙

王韶為郢州刺史 益州長史劉孝勝等勸武陵王紀

稱帝紀雖未許而大造乘輿車服

乘輿車服天子之車服也乘繩證翻

十二月丁未謝答仁李慶緒攻建德擒元顥李占送建

康景截其手足以徇經日乃死 齊主每出入常以中

山王自隨王妃太原公主恒為之飲食護視之

太原公主勃海

王歡之女恒戶登翻為于偽翻飲於禁翻下同食祥吏翻

是月齊主飲公主酒使人

鳩中山王殺之并其三子謚王曰魏孝靜皇帝葬於鄴

西漳北其後齊主忽掘其陵投梓宮於漳水齊主初受

禪魏神主悉寄於七帝寺

以寄魏七廟神主故謂之七帝寺

至是亦取

焚之彭城公元韶以高氏壻

元韶娶魏孝武帝后高歡之女也

寵遇異

於諸元開府儀同三司美陽公元暉業

魏濟陰王暉業齊受禪降封美

陽公

以位望隆重又志氣不倫尤為齊主所忌從齊主在

晉陽暉業於宮門外罵韶曰爾不及一老嫗負璽與人

嫗戚遇翻韶奉璽於齊

見上卷上年璽斯氏翻

何不擊碎之我出此言知即死

爾亦詎得幾時齊主聞而殺之及臨淮公元孝友皆鑿

汾水冰沈其尸孝友或之弟也

或魏臨淮王沈持林翻

齊主嘗剝

元韶鬢鬚加之粉黛以自隨曰吾以彭城為嬪御言其

懦弱如婦人也

剗它計翻嬪此
賓翻懦奴亂翻

世祖孝元皇帝上

諱繹字世誠小字七
符武帝第七子也

承聖元年

是年十一月
方即位改元

春正月湘東王以南平內史王

褒為吏部尚書褒騫之孫也

王騫儉
之孫

齊人屢侵侯景

邊地甲戌景遣郭元建帥步軍趨小峴

帥讀曰率下同
趣七喻翻峴戶

侯子鑒帥舟師向濡須已卯至合肥

考異曰典略
二月庚子于鑒

等圍合肥克其羅
城今從太清紀

齊人閉門不出乃引還

丙申齊主

伐庫莫奚大破之俘獲四千人雜畜十餘萬

畜許六翻

齊主

連年出塞給事中兼中書舍人唐邕練習軍書自督將

以降勞効本未及四方軍士彊弱多少番代往還器械

精粗

將即亮翻少詩詔翻粗倉呼翻

糧儲虛實靡不諳悉

諳烏含翻

或於帝

前簡閱雖數千人不執文簿唱其姓名未嘗謬誤帝嘗

曰唐邕彊幹一人當千又曰邕每有軍事手作文書口

且處分

處昌呂翻分扶問翻

耳又聽受實異人也寵待賞賜羣臣

莫及魏將王雄取上津魏興東梁州刺史安康李遷

哲軍敗降之

五代志西城郡安康縣舊曰寧都齊置安康郡後魏置東梁州按蕭子顯齊書安康

寧都二縣皆齊所置魏收曰安康縣漢時漢中郡之安陽縣也將即亮翻降戶江翻

突厥土門

襲擊柔然大破之柔然頭兵可汗自殺

厥居勿翻可從刊入聲汗音寒

其太子菴羅辰及阿那瓌從弟登注俟利登注子庫提

並帥衆奔齊餘衆復立登注次子鐵伐為王

從才用翻帥讀曰率

下同復扶又翻

土門自號伊利可汗號其妻為可賀敦子弟謂

之特勒

考異曰諸書或作勃勤今從劉昫舊唐書及宋祁新唐書

別將兵者皆謂

之設

湘東王命王僧辯等東擊侯景二月庚子諸軍

發尋陽舳艫數百里陳霸先帥甲士三萬舟艦二千自

南江出湓口會僧辯於白茅灣

贛水謂之南江過彭澤縣西注於彭蠡北入于

江白茅灣在桑落洲西南史王僧辯傳霸先帥衆五萬出自南江前軍五千行至湓口蓋水陸俱下也帥讀曰

率築壇軟血

軟色甲翻

共讀盟文流涕慷慨癸卯僧辯使侯

瑱襲南陵鵲頭二戍克之戊申僧辯等軍于大雷丙辰

發鵲頭戊午侯子鑒還至戰鳥

子鑒蓋自合肥還杜佑曰宣州南陵縣有鵲洲

有戰鳥圻孤在江中本名孤圻昔桓溫舉兵東下住此圻中宵鳥驚溫謂官軍圍之既而定以羣鳥驚噪因名戰鳥唐顧况集有題靈山寺詩下

注戰鳥蓋戰鳥圻後為靈山寺

西軍奄至子鑒驚懼

奔還淮南

淮南今太平州當塗之地

侯景儀同三司謝答仁攻劉

神茂於東陽程靈洗張彪皆勒兵將救之神茂欲專其

功不許營於下淮或謂神茂曰賊長於野戰下淮地平

四面受敵不如據七里瀨

七里瀨在桐廬縣距建德四十餘里與嚴陵瀨相接賊

必不能進不從神茂偏裨多北人不與神茂同心別將

王曇廓通並據外營降於答仁劉歸義尹思合等弃城

走神茂孤危辛未亦降於答仁

降戶江翻

答仁送之建康

癸酉王僧辯等至蕪湖侯景守將張黑弃城走景聞之

甚懼下詔赦湘東繹王僧辯之罪衆咸笑之侯子鑒據姑孰南洲以拒西師景遣其黨史安和等將兵二千助之三月己巳朔景下詔欲自至姑孰又遣人戒子鑒曰西人善水戰勿與爭鋒往年任約之敗良為此也

去年景與

徐文盛水戰亦敗走不特任約也以故畏之為于偽翻

若得步騎一交必當可破

汝但結營岨上引船入浦以待之子鑒乃捨舟登岸閉營不出僧辯等停軍蕪湖十餘日景黨大喜告景曰西師畏吾之彊勢將遁矣不擊且失之景乃復命子鑒為

水戰之備

復扶又翻

丁丑僧辯至姑孰子鑒帥步騎萬餘人

度洲於岸挑戰又以鵠舫千艘載戰士

類篇曰鵠舫船長貌玉篇曰鵠

舫小船也集韻鵠丁了翻舫胡烏翻按王僧辯傳鵠舫其中載士兩邊悉八十棹棹手皆越人去來趨襲捷過風電蓋今之水哨馬即其類 考異 僧辯麾細船皆令

退縮留大艦夾泊兩岸子鑒之衆謂水軍欲退爭出趨

之

趨七喻翻

大艦斷其歸路

斷音短

鼓譟大呼合戰中江

呼火故翻

子鑒大敗士卒赴水死者數千人子鑒僅以身免收散

卒走還建康據東府僧辯留虎臣將軍莊丘慧達鎮姑

孰引軍而前歷陽戍迎降

降戶江翻

景聞子鑒敗大懼涕下

覆面

又覆數翻

引衾而卧良久方起歎曰誤殺乃公庚辰僧

辯督諸軍至張公洲

張公洲即蔡州考異曰典略作戊寅今從太清紀

辛巳乘

潮入淮進至禪靈寺前

禪靈寺齊武帝所建

景召石頭津主張賓

使引淮中舫舨及海臙

舫音义舨蒲故翻方言船短而深謂之舨臙尺庸翻

以石

絕之塞淮口

絕雖偽翻塞悉則翻

緣淮作城自石頭至于朱雀街

十餘里中樓堞相接

堞達協翻

僧辯問計於陳霸先霸先曰

前柳仲禮數十萬兵隔水而坐韋粲在青溪竟不度岸

賊登高望之表裏俱盡故能覆我師徒

事見一百六十二卷武帝太清

三年今圍石頭須度北岸諸將若不能當鋒霸先請先往

立柵壬午霸先於石頭西落星山築柵

考異曰陳書云橫隴立柵今

從典略衆軍次連八城直出石頭西北景恐西州路絕自

帥侯子鑒等亦於石頭東北築五城以遏大路

帥讀曰率景

使王偉守臺城乙酉景殺湘東王世子方諸前平東將

軍杜幼安 劉神茂至建康丙戌景命為大劉碓先進

其尺寸寸斬之以至於頭

劉神茂始導侯景取壽陽及其度江又為介牙東南之禍

神茂實為之其死晚矣大劉碓者為大劉刀發機如碓使人踏之碓都內翻留異外同神茂

而潛通於景故得免禍 丁亥王僧辯進軍招提寺北

招提寺在石頭城北 侯景帥眾萬餘人鐵騎八百餘匹陳於西州

之西

陳讀曰陣下志陳衝陳陳不同

陳霸先曰我眾賊寡應分其兵勢

以彊制弱何故聚其鋒銳令致死於我乃命諸將分處

置兵景衝將軍王僧志陳僧志小縮霸先遣將軍安陸

徐度將弩手二千橫截其後

弩矢之力可以及遠橫截其後箭鋒所到敵必驚却

景兵乃却霸先與王琳杜龕等以鐵騎乘之僧辯以大

兵繼之景兵敗退據其柵龕岸之兄子也

杜岸死於太清三年荆雍

構難之時龕岸兄岑之子龕苦含翻

景儀同三司盧暉略守石頭城開北

門降

降戶江翻

僧辯入據之景與霸先殊死戰景帥百餘騎

弃稍執刀左右衝陳

稍色角翻

陳不動衆遂大潰諸軍逐北

至西明門

西明門建康外城西中門

景至闕下不敢入臺召王偉責

之曰爾令我為帝今日誤我偉不能對繞闕而藏景欲

走偉執鞭諫曰

鞭苦貢翻

自古豈有叛天子邪宮中衛士猶

足一戰弃此將欲安之景曰我昔敗賀拔勝

見一百五十六卷武

帝中大通六年敗補邁翻

破葛榮

見一百五十二年

揚名河朔度江平

臺城降柳仲禮如反掌

見一百六十有二卷太清三年降戶江翻

今日天亡

我也因仰觀石闕歎息久之以皮囊盛其江東所生二

子

盛時征翻景至建康所生子也

掛之鞍後與房世貴等百餘騎東走

欲就謝答仁於吳侯子鑒王偉陳慶奔朱方僧辯命裴

之橫杜龕屯杜姥宅杜崩入據臺城僧辯不戢軍士剽

掠居民男女裸露

姥莫補翻崩士力翻戢則立翻剽匹妙翻裸郎果翻

自石頭至

于東城號泣滿道

號戶翻

是夜軍士遺火焚太極殿及東

西堂寶器羽儀輦輅無遺

史言王僧辯御軍無法失伐罪弔民肅清禁輦之意戊

子僧辯命侯瑱等帥精甲五千追景王克元羅等帥臺

內舊臣迎僧辯於道僧辯勞克曰

勞力到翻

甚苦事夷狄之

君克不能對又問璽綬何在

璽斯氏翻綬音弗

克良久曰趙平

原持去

侯景侍中趙恩賢兼平原太守

僧辯曰王氏百世卿族一朝而

墜僧辯迎太宗梓宮升朝堂帥百官哭踊如禮

朝直遙翻已

丑僧辯等上表勸進

上時掌翻王以賊平告明堂大社已

丑僧辯

等奉表按表文云衆軍以戊子總集建康豈是日告捷即能達江陵乎蓋僧辯等以已丑日發表勸進耳且

迎都建業湘東王答曰淮海長鯨雖云授首襄陽短狐

未全革面

禹貢曰淮海惟揚州長鯨謂侯景古者伐國取其鯨鯢以為大戮岳陽王誓據襄陽與湘

東為敵故斤為短狐短狐蟻也含沙射人中之者死易曰小人革面

太平玉燭爾乃議之

爾雅春為青陽夏為朱明秋為白藏冬為玄英四時和謂之玉燭釋云此釋太平之時四時和暢以致嘉祥之事也云春為青陽者言春之氣和則青而溫陽也云夏為朱明者言夏之氣和則赤而光明也云秋為白藏者言秋之氣和則白而收藏也云冬為玄英者言冬之氣和則黑而清英也四時和謂之玉燭者言四時和氣溫潤明照故謂之玉燭李巡云人君德美如玉而明若燭聘義君子比德於玉焉是時人君若德輝動於內則和氣應於外統而

庚寅南兖州刺史郭元建秦郡戍主郭

正買

侯景以廣陵為南兖州因南朝之舊也

陽平戍主魯伯和行南徐州

事郭子仲並據城降

降戶江翻

僧辯之發江陵也啓湘東王

曰平賊之後嗣君萬福未審何以為禮王曰六門之內

自極兵威

臺城六門大司馬門萬春門東華門西華門太陽門承明門

僧辯曰討賊

之謀臣為已任成濟之事請舉別人

成濟弒魏高貴鄉公王僧辯欲避弒

君之惡名故云

王乃密諭宣猛將軍朱買臣使為之所及景敗

太宗已殂豫章王棟及二弟橋樛相扶出於密室

樛居料翻

逢杜蒯於道為去其鎖二弟曰今日始免橫死矣

偽為于翻

去羌呂翻
橫尸孟翻

棟曰倚伏難知吾猶有懼

賈誼鵬賦曰禍兮福所倚福兮禍所

伏

辛卯遇朱買臣呼之就船共飲未竟並沈於水

沈持林翻

僧辯遣陳霸先將兵向廣陵受郭元建等降又遣使者

往安慰之

將即亮翻降戶江翻使疏吏翻

諸將多私使別索馬仗

索山客翻

會侯子鑒度江至廣陵謂元建等曰我曹梁之深讐何

顏復見其主

復扶又翻

不若投北可得還鄉遂皆降齊霸先

至歐陽齊行臺辛術已據廣陵王偉與侯子鑒相失直

瀆戍主黃公喜獲之送建康

孫盛晉春秋曰直瀆在方山王安石詩山蟠直瀆輸

淮口陸游曰直瀆吳孫氏所開溫庭筠過吳景帝陵詩
虛開直瀆三千里青蓋何曾到洛陽按侯子鑒王偉已
度江此非方山之直瀆也沈約志盱眙太守管下有直瀆今晉安帝立縣王僧辯問曰卿為

賊相不能死節而求活草間邪偉曰廢興命也使漢帝

早從偉言明公豈有今日

謂臺城之破僧辯已降侯景縱還竟陵使有今日偉之此

言亦以愧僧辯也

尚書左丞虞隲嘗為偉所辱乃唾其面偉曰

君不讀書不足與語隲慙而退

隲之日翻唾吐卧翻

僧辯命羅州

刺史徐嗣徽鎮朱方壬辰侯景至晉陵得田遷餘兵

田遷

東攻劉神茂有餘兵在晉陵

因驅掠居民東趨吳郡

趙七喻翻

夏四月

齊主使大都督潘樂與郭元建將兵五萬攻陽平拔之

王僧辯啓陳霸先鎮京口

考異曰陳紀高祖應接郭元建還僧辯啟高祖鎮京

口按是時徐嗣徽為南徐州刺史蓋霸先但領兵戍京口耳未為刺史也

益州刺史太尉

武陵王紀頗有武略在蜀十七年南開寧州越嶲西通

資陵吐谷渾內修耕桑鹽鐵之政外通商賈遠方之利

嶲音髓吐從嗽入聲谷音浴賈音古

故能殖其財用器甲殷積有馬八千

匹聞侯景陷臺城湘東王將討之謂僚佐曰七官文士

豈能匡濟

湘東於兄弟次第七故呼為七官

內寢柏殿柱繞節生花紀

以為己瑞乙巳即皇帝位改元天正立子圓照為皇太

子圓正為西陽王圓滿為竟陵王圓普為譙王圓肅為

宜都王以巴西梓潼二郡太守永豐侯為征西大將

軍益州刺史封秦郡王

吳立永豐縣屬始安郡為吁為翻

司馬王僧略

直兵參軍徐怱固諫不從

怱普耕翻

僧略僧辯之弟怱勉之

從子也

徐勉梁初賢相從才用翻

初臺城之圍怱勸紀速入援紀意

不欲行內銜之會蜀人費合告怱反怱有與將帥書云

事事往人口具紀即以為反徵

費扶沸翻將即亮翻帥所類翻徵讀曰證謂

怛曰以卿舊情當使諸子無恙

恙余亮翻

對曰生兒悉如殿

下留之何益

以譏切紀不能救君父

紀乃盡誅之梟首於市

梟豎堯翻

亦殺王僧略永豐侯撫歎曰王事不成矣善人國之基

也今先殺之不亡何待紀徵宜豐侯諮議參軍劉璠為

中書侍郎

璠字袁翻

使者八反乃至紀令劉孝勝深布腹心

璠苦求還中記室韋登私謂璠曰殿下忍而蓄憾足下

不留將致大禍孰若共構大廈使身名俱美哉

夏戶雅翻

正色曰卿欲緩頰於我邪

緩頰說也漢高帝謂酈食其曰緩頰往說魏王豹

我

與府侯分義已定

府侯謂宜豐侯
循分扶問翻

豈以夷險易其心乎

殿下布大義於天下終不逞志於一夫紀知必不為

已用乃厚禮遣之以宜豐侯循為益州刺史封隨郡王

以璠為循府長史蜀郡太守 謝答仁討劉神茂還至

富陽聞侯景敗走帥萬人欲北出候之帥讀趙伯超據

錢塘拒之侯景進至嘉興

沈約曰嘉興本名長水秦改
曰由奉吳孫權黃龍四年由

拳縣生嘉禾改曰禾興孫皓避父名改曰嘉 聞伯超叛

之乃退據吳已酉侯瑱追及景於松江

松江在今吳縣
一名苕澤在吳

縣南四

十里 景猶有船二百艘衆數千人

艘蘇
遭翻

瑱進擊敗之

敗補
邁翻

擒彭雋田遷房世貴蔡壽樂王伯醜

樂音
洛

瑱生剖

雋腹抽其腸雋猶不死手自收之乃斬之景與腹心數

十人單舸走推墮二子於水

舸古我翻
推吐雷翻

將入海瑱遣副

將焦僧度追之

將即
亮翻

景納羊侃之女為小妻以其兄鵬

為庫直都督待之甚厚鵬隨景東走與景所親王元禮

謝歲琰密圖之歲琰答仁之弟也景下海欲向蒙山

景
自

滬潰下海魏收志東安郡新泰縣有蒙山景
欲浮海趣山東復入北也歲音威琰如住翻

已卯景晝

寢鵬語海師

海師習知海道者也語牛渚翻

此中何處有蒙山汝但聽

我處分

處昌呂翻分扶問翻

遂直向京口至胡豆洲景覺大驚問

岸上人云郭元建猶在廣陵景大憲

覺古孝翻憲與喜同

將依之

鵬拔刀叱海師向京口

考異曰典略云舟人李橫文紹景向南徐州今從梁書因

謂景曰吾等為王効力多矣

偽為于翻

今至於此終無所成

欲就乞頭以取富貴景未及答白刃交下景欲投水鵬

以刀斫之景走入船中以佩刀扶船底

扶船底欲入水扶一決翻鵬

以稍刺殺之

稍色角翻刺七亦翻

尚書右僕射索超世在別船歲

蕤以景命召而執之南徐州刺史徐嗣徽斬超世

王偉索超

世景之謀主也索蘇各翻

以鹽內景腹中送其尸於建康僧辯傳首

江陵截其手足使謝歲蕤送於齊暴景尸於市士民爭

取食之并骨皆盡溧陽公主亦預食焉

考異曰典略云復烹溧陽公

主今從南史

初景之五子在北齊世宗剝其長子面而烹之

幼者皆下蠶室

長知兩翻下遐嫁翻

齊顯祖即位夢獼猴坐其御

牀乃盡烹之趙伯超謝答仁皆降於侯瑱瑱并田遷等

送建康王僧辯斬房世貴於市送王偉呂季略周石珍

嚴賈趙伯超伏知命於江陵丁巳湘東王下令解嚴

乙丑葬簡文帝於莊陵廟號太宗 侯景之敗也以傳

國璽自隨

璽斯氏翻

使其侍中兼平原太守趙思賢掌之曰

若我死宜沈於江勿令吳兒復得之思賢自京口濟江

遇盜從者棄之草間

沈持林翻復扶又翻從才用翻

至廣陵以告郭元

建元建取之以與辛術壬申術送之至鄴 甲申齊以

吏部尚書楊愔為右僕射以太原公主妻之

愔於今翻妻七細翻

公主即魏孝靜帝之后也 楊乾運至劔北

劔北劔閣之北也

魏達奚武逆擊之大破乾運於白馬陳其俘馘於南鄭

城下且遣人辱宜豐侯循循怒出兵與戰都督楊紹伏

兵擊之殺傷殆盡劉璠還至白馬西

劉璠自成都還魏收志華陽郡沔陽

縣有白馬城宜豐侯循傳璠見禽於嶓冢嶓冢為武所

縣亦屬華陽郡五代志漢中郡西縣舊曰嶓冢獲送長安太師秦素聞其名待之如舊交時南鄭久不

下武請屠之秦將許之璠請之於朝

朝謂魏朝也朝直遙翻秦怒

不許璠泣請不已秦曰事人當如是乃從其請五月

庚午司空南平王恪等復勸進

復扶又翻

湘東王猶不受遣

侍中豐城侯泰謁山陵

沈約志豫章豐城縣吳立曰富城晉武帝更名考異曰梁書

在四月官為司空太清紀在此月官太宰今從梁書

修復廟社戊寅侯景首至江

陵梟之於市三日

梟堅堯翻

煮而漆之以付武庫庚辰以南

平王恪為揚州刺史甲申以王僧辯為司徒鎮衛將軍

封長寧公

鎮衛將軍梁定二百四十號其班穹矣僧辯元功必封長寧郡公長寧郡晉安帝置屬荆

州陳霸先為征虜將軍開府儀同三司封長城縣侯

賞平

侯景之功也霸先長城縣人也杜佑曰湖州長城縣吳王闔閭遠弟夫縣築城狹而長晉武帝太康三年置

乙酉誅侯景所署尚書僕射王偉左民尚書呂季略少

府周石珍舍人嚴亶於市趙伯超伏知命餓死於獄以

謝答仁不失禮於太宗特宥之王偉於獄中上五百言

詩

五百言詩今之五十韻詩也上時掌翻

湘東王愛其才欲宥之有嫉之

者言於王曰前日偉作檄文甚佳王求而視之檄云項

羽重瞳尚有烏江之敗

重直龍翻

湘東一目寧為赤縣所歸

王大怒釘其舌於柱

釘丁定翻

剗腹嚙肉而殺之

剗烏丸翻王偉侯景

之所取計者也自圍臺城以至於移梁祚屠蕭氏以及其臣民皆偉之謀帝忘其父子兄弟之讐乃愛其才而欲宥之發怒於檄文而後誅之失刑甚矣

丙戌齊合州刺史斛斯昭攻歷

陽拔之 丁亥下令以王偉等既死自餘衣冠舊貴被

逼偷生

被皮義翻

猛士勲豪和光苟免者皆不問 扶風民

魯悉達糾合鄉人以保新蔡

陳書魯悉達扶風人祖父至悉達皆仕於齊梁沈約

宋志江州所部有南新蔡郡不言僑置之地但云去京都水行一千三百七十六里有餘以水程約言之南新蔡郡當置於今蘄州界五代志蘄州黃梅縣舊曰永興隋開皇初改曰新蔡蓋因南新蔡郡以名縣也劉昫曰黃梅縣宋分置新蔡郡 力田蓄穀時江東飢亂餓死者什八九遺

民攜老幼歸之悉達分給糧廩全濟甚衆招集晉熙等

五郡盡有其地使其弟廣達將兵從王僧辯討侯景

將即

亮翻 景平以悉達為北江州刺史

魏收志梁武帝置北江州治鹿城闔領義

陽齊昌新昌梁安齊興郡五代志黃州水蘭縣梁置北江州唐併木蘭入黃岡縣 齊主使其散

騎常侍曹文皎等來聘湘東王使散騎常侍柳暉等報

之且告平侯景亦遣舍人魏彥告于魏 齊主使潘樂

郭元建將兵圍秦郡行臺尚書辛術諫曰朝廷與湘東

王信使不絕

使疏吏翻

陽平侯景之土取之可也今王僧辯

已遣嚴超達守秦郡於義何得復爭之

復扶又翻

且水潦方

降不如班師弗從陳霸先命別將徐度引兵助秦郡固

守齊衆七萬攻之甚急王僧辯使左衛將軍杜蒨救之

霸先亦自歐陽來會與元建大戰於士林大破之

士林在六

合縣界

斬首萬餘級生擒千餘人元建收餘衆北遁猶以

通好不窮追也

好呼到翻

辛術遷吏部尚書自魏遷鄴以後

大選之職知名者數人

吏部選為大選選須絹翻

互有得失齊世宗

少年高朗所獎者疎袁叔惠沈密謹厚所傷者細

少詩照翻

沈持林翻

楊惛風流辯給取士失於浮華唯術性尚貞明取

士必以才器循名責實新舊參舉管庫必擢門閥不遺

開音伐說文閱閱自序也史記明其等曰閱積其功曰
閱此所謂門閭者直言世家子弟門地素高者耳又說
門在左曰闕闕在右曰閭考之前後最為折衷仲翻魏達奚武遣尚

書左丞柳帶韋入南鄭說宜豐侯循曰說式足下所固

者險所恃者援所保者民今王旅深入所憑之險不足

固也白馬破走酋豪不進謂楊乾運也所望之援不可

恃也長圍四合所部之民不可保也且足下本朝喪亂

社稷無主欲誰為為忠乎朝直遙翻喪息浪翻豈若轉禍

為福使慶流子孫邪循乃請降降戶帶韋慶之子也柳

見一百六十一卷
武帝太清二年

開府儀同三司賀蘭德願聞城中食

盡請攻之大都督赫連達曰不戰而獲城策之上者豈

可利其子女貪其財貨而不愛民命乎且觀其士馬猶

彊精神尚固攻之縱克則彼此俱傷如困獸猶鬪

左傳吳夫

槩王之言則成敗未可知也武曰公言是也乃受循降獲男

女二萬口而還

還從宣翻又如字

於是劒北皆入於魏 六月

丁未齊主還鄴乙卯復如晉陽

復扶又翻

庚寅立安南侯

方矩為王太子 齊遣散騎常侍謝季卿來賀平侯景

衡州刺史王懷明作亂廣州刺史蕭勃討平之 齊

政煩賦重江北之民不樂屬齊其豪傑數請兵於王僧

辯僧辯以與齊通好皆不許

樂音洛數所角翻好呼到翻

秋七月廣

陵僑人朱盛等

僑人本非廣陵人而僑居廣陵者

潛聚黨數千人謀襲

殺齊刺史溫仲邕遣使求援於陳霸先

使疏吏翻下使未同

云已

克其外城霸先使告僧辯僧辯曰人之情偽未易可測

易弋翻

若審克外城亟須應援如其不爾無煩進軍使未

報霸先已濟江僧辯乃命武州刺史杜崩等助之會盛

等謀泄霸先因進軍圍廣陵 八月魏安康人黃衆寶

反攻魏興執太守柳檜進圍東梁州

梁置南梁州於西城郡西魏改曰東

梁州西城古魏興郡治所魏收志後魏太延五年別置魏興郡於上洛郡界帶陽亭縣屬洛州洛州後改為商

州令檜誘說城中

誘音酉說式為翻

檜不從而死檜蚪之弟也

柳蚪柳慶之兄見二百五十一卷武帝大同三年

太師泰遣王雄與驃騎大將

軍武川宇文蚪討之

驃匹妙翻騎奇寄翻

武陵王紀舉兵由外

水東下以永豐侯為益州刺史守成都使其子宜都

王圓肅副之 九月甲戌司空南平王恪卒甲申以王

僧辯為揚州刺史 齊主使告王僧辯陳霸先曰請釋

廣陵之圍必歸廣陵歷陽兩城霸先引兵還京口江北

之民從霸先濟江者萬餘口湘東王以霸先為征北大

將軍開府儀同三司南徐州刺史徵霸先世子昌霸先封長

城縣侯昌

為世子 及兄子頊詣江陵以昌為散騎常侍頊為領

直梁宿衛之官有四廂領直蓋領直衛之士因以名官為昌頊陷魏張本

宜豐侯循之

降魏也丞相泰許其南還久而未遣從容問劉璠曰從

容我於古誰比對曰璠常以公為湯武今日所見曾桓

文之不如泰曰我安敢比湯武庶幾望伊周何至不如

桓文對曰齊桓存三亡國

左傳宋司馬子魚曰齊桓存三亡國以屬諸侯杜預注曰

三亡國魯衛邢

晉文公不失信於伐原語未竟泰撫掌曰我解

爾意

解戶

欲激我耳乃謂循曰王欲之荆為之益

武陵王紀

封循為隨郡王故以王稱之

循請還江陵泰厚禮遣之

考異曰典略云十月乙

未朔太祖謂循云云按太清紀是月循至江陵今從之

循以文武千家自隨湘東

王疑之遣使覘察相望於道

使疏吏翻覘丑廉翻又丑艷翻

始至之夕

命劫竊其財及旦循啓輸馬仗王乃安之引入對泣以

循為侍中驃騎將軍開府儀同三司 冬十月齊主自

晉陽如離石自黃櫨嶺起長城北至社平戌四百餘里

置三十六戌

此長城蓋起於唐石州北抵武州之境櫨音盧社平齊紀作社子按斛律金傳黃櫨

嶺在烏突戌東

戊申湘東王執湘州刺史王琳於殿中殺其

副將殷晏琳本會稽兵家

將即亮翻會工外翻

其姊妹皆入王宮

故琳少在王左右琳好勇王以為將帥琳傾身下士

詩少

沼翻好呼到翻帥所類翻下遐嫁翻下王下同

所得賞賜不以入家麾下萬人

多江淮羣盜從王僧辯平侯景與杜龕功居第一

龕苦含翻

在建康恃寵縱暴僧辯不能禁僧辯以宮殿之燒

謂軍人遺

火焚太極殿及東西堂也

恐得罪欲以琳塞責

塞悉則翻

乃密啓王請誅

琳王以琳為湘州琳自疑及禍使長史陸納帥部曲赴

湘州

帥讀曰率

身詣江陵陳謝謂納等曰吾若不返子將安

之

之往也

咸曰請死之相泣而別至江陵王下琳吏辛酉

以王子方略為湘州刺史又以廷尉黃羅漢為長史使

與太舟卿張載至巴陵先據琳軍

五代志太舟卿梁初為都水臺使者天監

七年改焉位視中書郎列卿之最末者也主舟航堤渠

載有寵於王而御下峻刻

荊州人疾之如讐羅漢等至琳軍陸納及士卒並哭不肯受命執羅漢及載王遣宦者陳旻往諭之納對旻剗載腹抽腸以繫馬足使繞而走腸盡氣絕又鬻割出其心向之拊舞

拊舞拊手而舞

焚其餘骨以黃羅漢清謹而免之

納與諸將引兵襲湘州時州中無主納遂據之公卿

藩鎮數勸進於湘東王

數所角翻

十一月丙子世祖即皇帝

位於江陵改元大赦

改太清為承聖

是日帝不升正殿公卿陪

列而已

史言帝不能正其始

丁丑以宜豐侯循為湘州刺史

已卯立王太子方矩為皇太子更名元良

更工行翻

皇子方

智為晉安王方略為始安王方等之子莊為永嘉王

方等

伐湘州戰敗而死

追尊母阮修容為文宣皇后

修容魏文帝所制自晉以來位

列九嬪

侯景之亂州郡大半入魏自巴陵以下至建康以

長江為限荊州界北盡武寧西拒硤口

北盡武寧與岳陽王譽分界西

拒硤口與武陵王紀分界硤當作峽

嶺南復為蕭勃所據

復扶又翻

詔令所行

千里而近民戶著籍不盈三萬而已

著直略翻史言荊州管內蕭條

陸納襲擊衡州刺史丁道貴於淶口破之

衡州治衡陽縣縣東二十

里有鄴湖其水湛然綠色取以釀酒甘美謂之鄴淥淥口即鄴湖口也唐志潭州有淥口戍丁度曰湘東有淥水張舜民郴行錄嘉魚縣口舟行七十餘里至淥溪口南北對境圖自岳州松江東北下過侯敬港神林港象湖港新打口石頭口得淥溪口按郴行錄對境圖之淥溪口皆非丁道貴敗處唯唐志之潭州淥口戍為是淥

綠道貴奔零陵其衆悉降於納

音降戶

上聞之遣使徵司

徒王僧辯右衛將軍杜崱平北將軍裴之橫與宜豐侯

循共討納循軍巴陵以待之侯景之亂零陵人李洪雅

據其郡上即以為營州刺史

營陽郡亦漢零陵郡之地故因置營州隋為永州

洪雅請討陸納上許之丁道貴收餘衆與之俱納遣其

將吳藏襲擊破之洪雅等退保空雲城

姚思廉梁書作空雲灘水經注

長沙建寧縣故城南有空泠峽湘水所經也驚浪奔雷迅同三峽張舜民柳行錄曰自醴陵江口南行十餘里

到空靈峽

考異曰典略作空零城今

從梁書

余謂空雲蓋空靈之誤也

藏引兵圍之頃

之納請降求送妻子

送妻子為質以示誠款

上遣陳旻至納所納

衆皆泣曰王郎被囚

被皮義翻

故我曹逃罪於湘州非有他

志也乃出妻子付旻旻至巴陵循曰此詐也必將襲我

乃密為之備納果夜以輕兵繼旻後約至城下鼓譟十

二月壬午晨去巴陵十里

言納兵夜行至晨距巴陵相去十里

衆謂已至

即鼓譟軍中皆驚循坐胡牀於壘門望之納乘水來攻

矢下如雨循方食甘蔗略無懼色

蔗之夜翻

徐部分將士擊

之

分扶問翻

獲其一艦

艦戶點翻

納退保長沙

壬午齊主還鄴

戊午復如晉陽

復扶又翻

資治通鑑卷一百六十四

欽定四庫全書

資治通鑑卷一百六十五 宋 司馬光 撰

胡三省 音註

梁紀二十一 一起昭陽作盡闕
逢閏茂凡二年

世祖孝元皇帝下

承聖二年春正月王僧辯發建康承制使陳霸先代鎮

揚州 使陳霸先自京
口代鎮揚州

丙子山胡圍齊離石戌寅齊主

討之未至胡已走因巡三堆 魏收地形志永安郡平冠縣
魏真君七年併三堆屬馬隋

鴈門郡崞縣
有平冠縣

大獵而歸

以吏部尚書王褒為左僕射

己丑齊改鑄錢文曰常平五銖

五代志齊文宣除魏永安五銖改鑄常平

五銖重如其文其錢
甚貴且製造甚精

二月庚子李洪雅力屈以空雲城

降陸納

去年吳藏攻李洪雅降戶江翻下同

納囚洪雅殺丁道貴納以沙

門寶誌詩識有十八子以為李氏當王

天監中寶誌為識云太歲龍將無理

蕭經霜草應死餘人散十八子時言蕭氏當滅李氏代興識楚諧翻

甲辰推洪雅為主號大

將軍使乘平肩輿列鼓吹納帥眾數千左右翼從

吹尺瑞翻帥讀

曰率下同
從才用翻

魏太師泰去丞相大行臺

去羌呂翻

為都督中外

諸軍事

王雄至東梁州黃衆寶帥衆降

黃衆寶反見上卷上年

太

師泰赦之遷其豪帥於雍州

帥所類翻雍於用翻

齊主送柔然可

汗鐵伐之父登注及兄庫提還其國

登注等奔齊見上卷上年可從刊入聲汗

音寒鐵伐尋為契丹所殺

契欺訖翻又音喫

國人立登注為可汗登

注復為其大人阿富提所殺

復扶翻

國人立庫提突厥伊

利可汗卒子科羅立號乙息記可汗

厥君勿翻顏師古隋書突厥傳

考異曰

云弟逸可汗立今從周書及北史

三月遣使獻馬五萬于魏

使疏翻

柔然別

部又立阿那瓌叔父鄧叔子為可汗

蠕蠕傳皆云立鐵伐考異曰魏書北史

為可汗突厥傳皆云立鄧叔子為可汗蓋諸部分散各有所立也

乙息記擊破鄧叔子於

沃野北木賴山乙息記卒捨其子攝圖而立其弟俟斤號

木杆可汗

俟渠之翻杆公旦翻為後佗鉢卒攝圖爭國張本考異曰周書作朮汗隋書作俟斗木杆今

從北史

木杆狀貌奇異性剛勇多智畧善用兵鄰國畏之

上聞武陵王紀東下使方士畫版為紀像

畫與畫同親釘

支體以厭之

釘丁定翻厭於叶翻

又執侯景之俘以報紀初紀之

舉兵皆太子圓照之謀也圓照時鎮巴東

巴東信州

執留使

者啓紀云侯景未平宜急進討已聞荊鎮為景所破紀

從之趣兵東下

使疏吏翻趣讀曰促

上甚懼與魏書曰子糾親也

請君討之

左傳齊無知弑其君雍廩殺無知公子小白自莒入於齊魯莊公伐齊納子糾魯師敗績

齊鮑叔帥師來言曰子糾親也請君討之乃殺子糾

太師泰曰取蜀制梁在茲一

舉諸將咸難之

咸以爲難也

大將軍代人尉遲迴泰之甥也

迴傳其先魏之別種號尉遲部因氏焉尉紆勿翻

獨以爲可克泰問以方略迴

曰蜀與中國隔絕百有餘年恃其險不虞我至若以鐵

騎兼行襲之無不克矣

騎奇寄翻下同

泰乃遣迴督開府儀同

三司原珍等六軍甲士萬二千騎萬匹自散關伐蜀

考吳

曰典略在正月
戊辰今從周紀

陸納遣其將吳藏潘烏黑李賢明等

下據車輪

將即亮翻下同按下文陸納夾岸為城甲子王僧辯攻拔之乙丑進圍長沙則車輪之地

蓋據湘江之要去長沙不遠也

考異曰梁紀云二月丙子按長歷二月無丙子梁紀誤

王僧辯至

巴陵

考異曰典略云三月辛酉按長歷是月癸亥朔無辛酉典略誤

宜豐侯循讓都

督於僧辯

考異曰僧辯傳云與陳霸先讓都督今從典略

僧辯弗受上乃以

僧辯循為東西都督夏四月丙申僧辯軍于車輪

考異曰

典略作甲子非也今從梁紀

吐谷渾可汗夸呂雖通使于魏而寇

抄不息

吐從嗽入聲谷音浴使疏吏翻下同抄楚交翻

宇文泰將騎三萬踰隴

至姑臧討之夸呂懼請服既而復通使於齊涼州刺史

史寧覘知其還襲之於赤泉

唐志涼州姑臧縣有赤水軍本赤烏鎮有赤烏泉因

名幅員五千一百八十里軍之最大者也復扶又翻覘丑鹽翻又丑艷翻

獲其僕射乞伏觸

狀陸納夾岸為城以拒王僧辯納士卒皆百戰之餘

僧辯憚之不敢輕進稍作連城以逼之納以僧辯為怯

不設備五月甲子僧辯命諸軍水陸齊進急攻之僧辯

親執旗鼓宜豐侯循親受矢石拔其二城納眾大敗步

走保長沙乙丑僧辯進圍之僧辯坐壘上視築圍壘吳

藏李賢明帥銳卒千人開門突出蒙楯直進趨僧辯

帥讀

曰率楯食尹翻趨七喻翻

時杜崩杜龕並侍左右甲士衛者止百餘

人力戰拒之

崩士力翻龕苦含翻

僧辯據胡牀不動裴之橫從旁

擊藏等藏等敗退賢明死

李賢明本侯景將也景敗歸王琳

藏脫走入

城 武陵王紀至巴郡聞有魏兵遣前梁州刺史巴西

譙淹還軍救蜀初楊乾運求為梁州刺史紀以為潼州

刺史

五代志金山郡西魏置潼州蓋梁已置此州也治涪城

楊瀨琛求為黎州刺

史以為沙州

蓋即以平興為沙州也潼音同琛丑林翻

二人皆不悅乾運兄

子畧說乾運曰今侯景初平宜同心戮力

說式芮翻戮音留又音六

并力

保國寧民而兄弟尋戈

左傳子產曰昔高辛氏有二子伯曰閼伯季曰實沈

不相能也日尋干戈以相征討

此自亡之道也夫木朽不雕

論語孔子曰朽木不

可雕也

世衰難佐不如送款關中可以功名兩全乾運然

之令略將二千人鎮劍閣又遣其壻樂廣鎮安州

五代志普

安郡梁置南安州後改為安州普安舊曰南安西魏改普安將即亮翻

與瀘琛皆潛通於

魏魏太師泰密賜乾運鐵券授驃騎大將軍開府儀同

三司梁州刺史

西魏之官驃騎大將軍開府儀同三司位次柱國大將軍驃匹妙翻

尉遲

迴以開府儀同三司侯呂陵始為前軍

侯呂陵虜三字姓

至劒

閣畧退就樂廣翻城應始始入據安州甲戌迴至涪水

涪水自龍州入潼州界潼州治涪其城西臨涪水涪音浮

乾運以州降

降戶江翻

迴分軍

守之進襲成都時成都見兵不滿萬人

見賢遍翻

倉庫空竭

永豐侯撫嬰城自守迴圍之譙淹遣江州刺史景欣幽

州刺史趙拔扈援成都

五代志隆山郡隆山縣舊曰犍為縣置江州

迴使原

珍等擊走之武陵王紀至巴東聞侯景已平乃自悔召

太子圓照責之對曰侯景雖平江陵未服紀亦以既稱

尊號

紀稱尊號見上卷上年

不可復為人下

復扶又翻下上復復送乃復無復同欲

遂東進將卒日夜思歸其江州刺史王開業以為宜還

救根本更思後圖諸將皆以為然

將即亮翻

圓照及劉孝勝

固言不可紀從之宣言於衆曰敢諫者死己丑紀至西

陵軍勢甚盛舳艫翳川

舳音逐艫音盧翳蔽也

護軍陸灋和築二

城於峽口兩岸運石填江鐵鎖斷之

斷音短

帝拔任約於

獄以為晉安王司馬

帝封子方智為晉安王任音壬

使助灋和拒紀

赤亭

之戰法和活約是有舊恩故使助之

謂之曰汝罪不容誅我不殺本為今

日因撤禁兵以配之仍許妻以廬陵王續之女使宣猛

將軍劉綦與之俱

為于偽翻妻七細翻綦符分翻

庚辰巴州刺史余

孝頃將兵萬人會王僧辯於長沙

將即亮翻下同

豫章太守

觀寧侯永昏而少斷

少詩治翻斷丁亂翻

左右武蠻奴用事軍主

文重疾之永將兵討陸納至宮亭湖重殺蠻奴永軍潰

奔江陵重將其眾奔開建侯蕃蕃殺之而有其眾

開建侯蕃

時鎮鄱陽沈約曰宋文帝分臨賀郡之封陽縣立開建縣

六月壬辰武陵王紀築

連城攻絕鐵鎖陸法和告急相繼上復拔謝答仁於獄

去年侯景敗得謝以為步兵校尉
梁東宮有步兵等
答仁不殺而囚之三校尉校戶教翻
配

兵使助法和又遣使送王琳令說輸陸納使疏吏翻
乙

未琳至長沙僧辯使送示之納衆悉拜且泣使謂僧辯

曰朝廷若赦王郎乞聽入城僧辯不許復送江陵陸法

和求救不已上欲召長沙兵恐失陸納乃復遣琳許其

入城琳既入納遂降湘州平降戶江翻
乙酉湘州平按長歷是月

無乙酉
上復琳官爵使將兵西援峽口將即
甲辰齊

章武景王庫狄干卒 武陵王紀遣將軍侯叡將衆七

千築壘與陸法和相拒上遣使與紀書許其還蜀專制

一方紀不從報書如家人禮

不肯定君臣之分而用兄弟之禮使疏吏翻下同

陸納既平湘州諸軍相繼西上

上時掌翻

上復與紀書曰吾

年為一日之長屬有平亂之功膺此樂推事歸當壁

長涉

丈翻屬之欲翻樂音洛左傳楚共王無冢適有寵子五人無適立焉乃大有事於羣望而祈曰請神擇於五人者使主社稷乃徧以璧見於羣望曰當璧而拜者神所立也既乃密埋璧於太室之庭使五人者齊而長入拜康王跨之靈王肘加焉子干子皙皆遠之平王弱抱以入再拜皆壓紐後平王卒有楚國儻遣使乎

良所遲也

遲直利翻待也

如曰不然於此投筆友于兄弟分形

共氣兄肥弟瘦無復相見之期讓棗推梨永罷懽愉之

日漢孔融兄弟七人融第六四歲時與諸兄共食梨棗輒引小者人問其故答曰我小兒法當取小者人皆

異之推吐雷翻心乎愛矣書不盡言言兄弟之愛存之於心非書翰之間所能盡言也

紀頃兵日久頻戰不利又聞魏寇深入成都孤危憂懣

不知所為

懣音悶又音滿

乃遣其度支尚書樂奉業詣江陵求

和請依前旨還蜀

度徒洛翻

奉業知紀必敗啓上曰蜀軍乏

糧士卒多死危亡可待上遂不許其和

史言上兄弟皆阻兵而安忍

紀以黃金一斤為餅餅百為箇至有百箇銀五倍於金

錦蜀繒綵稱是每戰懸示將士不以為賞

蜀音計繒慈陵翻稱尺證

翻將即亮翻下同

寧州刺史陳智祖請散之以募勇士弗聽智

祖哭而死有請事者紀稱疾不見由是將卒解體秋七

月辛未巴東民符昇等斬峽口城主公孫晃降於王琳

將即亮翻降戶江翻曰典畧作丙戌今從梁書

考異

謝荅仁任約進攻侯叡破

之拔其三壘於是兩岸十四城俱降紀不獲退

諸城已降江陵

兵斷道故不獲退

順流東下遊擊將軍樊猛追擊之紀衆大潰

赴水死者八千餘人猛圍而守之上密敕猛曰生還不

成功也猛引兵至紀所紀在舟中繞牀而走以金囊擲

猛曰以此雇卿送我一見七官猛曰天子何由可見殺

足下金將安之

之往也

遂斬紀及其幼子圓滿陸法和收

太子圓照兄弟三人送江陵上絕紀屬籍賜姓饗饗氏

饗他刀翻饗他結翻貪財為饗貪

下劉孝勝獄已而釋

之紀之稱帝舉兵劉孝勝實鼓成之此而不誅亦失刑也下遐稼翻

上使謂江安侯圓

正曰西軍已敗汝父不知存亡意欲使其自裁

圓正見因見上

卷簡文帝大寶二年

圓正聞之號哭稱世子不絕聲

谷圓照之誤紀也號戶刀

翻上頻使覘之知不能死移送廷尉獄見圓照曰兄何

乃亂人骨肉使痛酷如此圓照唯云計誤上並命絕食

於獄至齧臂啖之十三日而死遠近聞而悲之

覘丑廉翻又丑

艷翻齧魚結翻啖徒敢翻又徒濫翻

乙未王僧辯還江陵詔諸軍各還所

鎮魏尉遲迴圍成都五旬永豐侯撫屢出戰皆敗乃

請降諸將欲不許迴曰降之則將士全遠人悅攻之則

將士傷遠人懼遂受之八月戊戌撫與宜都王圓肅帥

文武詣軍門降

撫許韋翻降戶江翻將即亮翻帥讀曰率

迴以禮接之與盟

於益州城北吏民皆復其業唯收奴婢及儲積以賞將

士軍無私焉

史言尉遲迴能凝蜀人之心

魏以撫及圓肅並為開府

儀同三司以迴為大都督益潼等十二州諸軍事益州

刺史 庚子下詔將還建康領軍將軍胡僧祐太府卿

黃羅漢吏部尚書宗懔

懔力荏翻又巨禁翻

御史中丞劉瑩

瑩音訖岳

翻諫曰建業王氣已盡與虜止隔一江若有不虞悔無

及也

建業與齊止隔一江固也獨不思江陵介在江北逼近襄陽岳陽有復讐之志宇文有啓疆之思乎

且古老相承云荊州洲數滿百當出天子今枝江生洲

百數已滿

盛弘之荊州記曰自枝江縣西至上明東及江津其中有九十九洲楚諺云洲不百故不

出王

陛下龍飛是其應也上令朝臣議之

遙朝直

黃門侍

郎周弘正尚書右僕射王褒曰今百姓未見輿駕入建

康謂是列國諸王願陛下從四海之望時羣臣多荊州

人皆曰弘正等東人也

周覬王導自南渡以來世居建康故謂為東人

志願東

下恐非良計弘正面折之曰

折之舌翻

東人勸東謂非良計

西人欲西豈成長策上笑又議於後堂會者五百人上

問之曰吾欲還建康諸卿以為如何衆莫敢先對上曰

勸吾去者左袒左袒者過半武昌太守朱買臣言於上

曰建康舊都山陵所在

梁氏自簡文以上葬建康武帝以上葬晉陵守式又翻

鎮邊疆非王者之宅

荆州被邊自晉以來為重鎮

願陛下勿疑以致

後悔臣家在荊州豈不願陛下居此但恐是臣富貴非

陛下富貴耳上使術士杜景豪卜之不吉對上曰未去

退而言曰此兆為鬼賊所留也上以建康彫殘江陵全

盛意亦安之卒從僧祐等議

史言上懷居遠卜以成亡國之禍卒子恤翻

以湘州刺史王琳為衡州刺史

九月庚午詔王僧辯

還鎮建康陳霸先復還京口

復扶又翻

丙子以護軍將軍陸

法和為郢州刺史法和為政不用刑獄專以沙門法及

西域幻術

幻胡辨翻

教化部曲數千人通謂之弟子契丹

寇齊邊

契欺訖翻

壬午齊主北巡冀定幽安

冀定幽安四州名

遂伐

契丹齊主使郭元建治水軍二萬餘人於合肥

治直之翻

將襲建康納湘潭戾退

退北奔見一百六十二卷武帝太清二年

又遣將軍

邢景遠步大汗薩帥眾繼之

步大汗虜三字姓汗音寒薩桑葛翻考異曰梁書

作邢景遠步六汗薩今從北齊書北史

陳霸先在建康聞之白上上詔王

僧辯鎮姑孰以禦之 冬十月丁酉齊主至平州從西

道趣長塹

曹操征烏桓出盧龍塞塹山堙谷五百餘里後人因謂之長塹趣七喻翻塹七艷翻使

司徒潘相樂帥精騎五千自東道趣青山辛丑至白狼

城壬寅至昌黎城使安德王韓軌帥精騎四千東斷契

丹走路

魏收地志營州統內建德郡治白狼城中興初分樂陵置安德郡治般縣帥讀曰率騎奇寄翻

癸卯至陽師水

唐志貞觀三年以契丹室韋部落置師州及陽師縣於營州之廢陽師鎮即此

倍道兼行掩襲契丹齊主露髻肉袒晝夜不息行千餘

里踰越山嶺為士卒先唯食肉飲水壯氣彌厲甲辰與

契丹遇奮擊大破之虜獲十餘萬口雜畜數百萬頭

畜許

翻救

潘相樂又於青山破契丹別部丁未齊主還至營州

已酉王僧辯至姑孰遣婺州刺史侯瑱

東陽郡梁置婺州瑱他甸

翻又音鎮

吳郡太守張彪吳興太守裴之橫築壘東關以待

齊師

丁巳齊主登碣石山臨滄海遂如晉陽以肆州

刺史斛律金為太師召還晉陽拜其子豐樂為武衛大

將軍

樂音洛

命其孫武都尚義寧公主寵待之厚羣臣莫

及

金子美字豐樂武都光之子也樂音洛

閏月丁丑南豫州刺史侯瑱

南豫州時治姑孰
瑱他旬翻又音鎮

與郭元建戰於東關齊師大敗溺死

者萬計

溺奴狄翻

湘潭侯退復歸於鄴

復扶又翻

王僧辯還建康

吳州刺史開建侯蕃恃其兵彊貢獻不入

五代志鄴陽郡梁置

吳上密令其將徐佛受圖之

將即亮翻

佛受使其徒詐為訟

者詣蕃遂執之上以佛受為建安太守以侍中王質為

吳州刺史質至鄱陽佛受置之金城自據羅城掌門管

左傳秦杞子曰鄭人使我掌
北門之管杜預注曰管籥也

繕治舟艦甲兵

治直之翻艦戶黯翻

質不敢與爭故開建侯部曲數千人攻佛受佛受奔南

豫州侯瑱殺之質始得行州事 十一月戊戌以尚書

右僕射王褒為左僕射湘東太守張綰為右僕射 已

未突厥復攻柔然柔然舉國奔齊

復扶又翻

癸亥齊主自

晉陽北擊突厥迎納柔然廢其可汗庫提立阿那瓌子

菴羅辰為可汗置之馬邑川給其廩餼繒帛

餼許氣翻繒慈陵翻

親追突厥於朔州突厥請降

降戶江翻下同

許之而還

還從宣翻又如

字自是貢獻相繼

魏尚書元烈謀殺宇文泰事泄泰

殺之

宇文泰於此獨不書其官因舊史成文也

丙寅上使侍中王琛使於

魏

琛丑林翻使疏吏翻

太師泰陰有圖江陵之志梁王譽聞之益

重其貢獻

梁王譽欲倚魏以報河東王譽之仇通鑑至此復書梁王譽

十二月齊

宿預民東方白額以城降江西州郡皆起兵應之

江淮之民

苦於齊之虐政欲相率而歸江南

三年春正月癸巳齊主自離石討山胡遣斛律金從顯

州道

魏收地形志永安中置顯州治汾州六壁城蓋在隋西河郡界

常山王演從晉州

道夾攻大破之男子十三以上皆斬

考異曰北史作十二以上今從典

畧

女子及幼弱以賞軍遂平石樓石樓絕險自魏世所

不能至

水經河水東逕蒲川石樓山南又南逕蒲城東蓋其地在蒲子縣西五代志汾州樓山縣有北

石樓山又有石樓縣舊置吐京郡宋白曰石樓縣本漢土軍縣後魏置吐京郡蓋胡俗譯言訛變故曰吐京

也隋改縣曰石樓

於是遠近山胡莫不懾服

懾服涉翻

有都督戰傷

其什長路暉禮不能救帝命剗其五藏

什長十人之長也五藏心肺肝

膽腎長陟丈翻藏但浪翻

令九人食之肉及穢惡皆盡自是始為威

虐陳霸先自丹徒濟江圍齊廣陵秦州刺史嚴超達

自秦郡進圍涇州

五代志江都郡永福縣舊曰沛梁置涇州領涇城東陽二郡陳廢涇州併

二郡為沛郡後周改沛郡為石梁縣唐併石梁縣入六合北史梁涇州在石梁杜佑曰揚州天長縣梁於石梁

置涇南豫州刺史侯瑱吳郡太守張彪皆出石梁為之

聲援卒丑使晉陵太守杜僧明帥三千人助東方白額

帥請曰率

魏太師泰始作九命之典以叙內外官爵改流

外品為九秩

五代志曰泰命尚書盧辯遠師周之建職置三公三孤以為論道之官次置六卿以

分司庶務其內命謂王朝之臣三公九命三孤八命六卿七命上大夫六命中大夫五命下大夫四命上士三命中士再命下士一命外命謂諸侯及其臣諸公九命諸侯八命諸伯七命諸子六命諸男五命諸公之孤卿四命侯之孤卿公之大夫三命子男之孤卿侯伯之大夫公之上士再命公之中士侯伯之上士一命公之下士侯伯之中士下士子男之士不命其制祿秩下士一百二十五石中士以上至於上大夫各倍之上大夫是

為四千石卿二分孤三分公四分各益其一公因盈數
為一萬石其九秩一百二十石八秩至於七秩每二秩
六分而下各去其一二秩俱為四十石凡頒祿視其年
之上下畝至四釜為上年上年頒其正三釜為中年中
年頒其半二釜為下年年頒其一無年為凶荒不頒
祿盧辯傳曰柱國大將軍建德四年增置上柱國上將
軍也正九命驃騎大將軍開府儀同三司建德四年改
為開府儀同大將軍仍增上將軍開府儀同大將軍雍
州牧九命驃騎大將軍右光祿大夫車騎將軍左光祿
大夫戶部三萬以上州刺史正八命征東征南征西征北
等將軍右金紫光祿大夫中軍鎮軍撫軍等將軍左金
紫光祿大夫都督二萬戶以上州刺史京兆尹八命平
東平西平南平北等將軍右銀青光祿大夫前右左後
等將軍左銀青光祿大夫帥都督柱國大將軍府長史
司馬司錄戶一萬以上州刺史正七命冠軍將軍太中
大夫輔國將軍中散大夫都督五千戶以上州刺史戶

一萬五千戶以上郡守七命鎮遠將軍諫議大夫建忠
將軍朝散大夫州將開府長史司馬司錄戶不滿五千
以下州刺史戶一萬以上郡守正六命中堅將軍右中
郎將寧朔將軍左中郎將儀同府正八命州長史司馬
司錄戶五千以上郡守大呼藥六命寧遠將軍右員外
常侍揚烈將軍左員外常侍統軍驃騎車騎將軍府八
命州長史司馬司錄柱國大將軍府中郎掾屬戶一千
以上郡守長安萬年縣令正五命伏波將軍奉車都尉
輕車將軍奉騎都尉四征中鎮撫將軍府正七命州長
史司馬司錄開府正中郎掾屬戶不滿一千以下郡守
戶七千以上縣令正八命州呼藥五命宣威將軍虎賁
給事明威將軍冗從給事儀同府中郎掾屬柱國大將
軍府列曹參軍冠軍輔國將軍府正六命州長史司馬
司錄正七命州中從事七命郡丞戶四千以上縣令八
命州呼藥正四命給事中襄威厲威將軍奉朝請軍主
開府列曹參軍冠軍輔國將軍府正六命州長史司馬

司錄正七命州別駕正八命州從事七命郡丞戶二千
以上縣令正七命州呼藥四命威烈將軍右員外侍郎
討寇將軍左員外侍郎幢主儀同府正八命州列曹參
軍柱國大將軍府參軍鎮遠建忠中堅寧朔將軍府長
史司馬正六命州別駕正七命州從事正六命郡丞五
百戶以上縣令七命州呼藥正三命蕩寇將軍武騎常
侍蕩難將軍武騎侍郎開府參軍驃騎車騎將軍府正
八命州列曹參軍寧遠揚烈伏波輕車將軍府長史正
六命州中從事六命郡丞戶不滿五百以下縣令戍主
正六命州呼藥三命珍寇將軍軍彊弩司馬珍難將軍積
弩司馬四征中鎮撫將軍府正七命州列曹參軍正五
命郡丞正二命掃寇將軍武騎司馬掃難將軍武威司
馬四平前右後將軍府七命州列曹參軍五命郡丞
戍副二命曠野將軍殿中司馬橫野將軍員外司馬冠
軍輔國將軍府正六命州列曹參軍正一命武威將軍
淮海都尉虎牙將軍山林都尉鎮遠建中中堅寧朔寧

遠揚烈伏波輕車將軍府列曹參軍一命魏主自元烈之死有怨言密謀誅

太師泰臨淮王育廣平王贊垂涕切諫不聽泰諸子皆

幼兄子章武公導中山公護皆出鎮導護皆泰兄顯之子也導鎮上邽

唯以諸婿為心膂大都督清河公李基義城李暉常山

公子翼俱為武衛將軍魏武為丞相有武衛營元魏之制迄于高齊左右衛將軍各一

人掌左右廂所主朱華閣以外各武衛將軍二人貳之
宇文相魏亦置武衛將軍以掌宿衛而盧辯所定九命
無其官此蓋猶在盧辯定官之前以武衛授諸婿然字
文所置如大都督八命帥師都督正七命抑李基等皆
以大都督叙官邪至隋始置分掌禁兵基遠之子暉弼
左右武衛府列于十二衛

之子翼謹之子也由是魏主謀泄

禁兵既泰諸壻所掌魏主誰與謀哉由是

事泰廢魏主置之雍州

置之雍州廢舍雍於用翻

立其弟齊王廓

帝之第四子

考異曰國典云三月廢帝四月立恭帝北史皆在正月今從之

去年號稱元年

去羌

復姓拓跋氏九十九姓改為單者皆復其舊

單音丹魏

改姓見一百四十卷

魏初統國三十六大姓九十九

魏始

齊明帝建武三年

祖成帝毛統國三十六大姓九十九蓋

後多滅絕泰乃

以諸將功高者為三十六姓次者為九十九姓所將士

卒亦改從其姓

洪邁曰西魏以中原故家易賜蕃姓如李弼為徒河氏趙肅趙賁為乙弗氏劉

亮為侯莫陳氏楊忠為普六茹氏王雄為可頻氏李虎
閻慶為大野氏辛威為普毛氏田宏為紇干氏耿豪為
和稽氏王勇為庫汗氏楊紹為叱利氏侯植為侯伏侯
氏竇熾為紇豆陵氏李穆為掄拔氏陸通為步六孤氏
楊纂為莫胡盧氏寇雋為若口引氏段永為爾綿氏韓
褒為侯呂陵氏裴文舉為賀蘭氏陳忻為尉遲氏樊深
為萬紐于氏

將即亮翻

三月丁亥長沙王韶取巴郡

魏得成都未暇東畧

故韶得乘而取之取言易也

甲辰以王僧辯為太尉車騎大將軍

考異曰典畧作二月甲子今從梁紀

丁未齊將王球攻宿預杜僧明

出擊大破之球歸彭城

將即亮翻下同

郢州刺史陸法和上

啓自稱司徒上怪之王褒曰法和既有道術容或先知

戊申上就拜法和為司徒 己酉魏侍中宇文仁恕來

聘會齊使者亦至江陵帝接仁恕不及齊使

使疏吏翻

仁恕

歸以告太師泰帝又請據舊圖定疆境辭頗不遜泰曰

古人有言天之所弃誰能興之

左傳晉胥午之言

其蕭繹之謂

乎荊州刺史長孫儉屢陳攻取之策泰徵儉入朝問以

經畧復命還鎮密為之備馬伯符密使告帝

武帝太清三年楊忠

入寇伯符以下漾城降之因留于魏復扶又翻朝直達翻

帝弗之信

柔然可汗菴羅

辰叛齊齊主自將出擊大破之菴羅辰父子北走太保

安定王賀拔仁獻馬不甚駿齊主拔其髮免為庶人輸

晉陽負炭 齊中書令魏收撰魏書頗用愛憎為褒貶

每謂人曰何物小子敢與魏收作色舉之則使升天按

之則使入地既成

東魏孝靜天保二年詔
魏收撰魏史至是而成

中書舍人盧

潛奏收誣罔一代罪當誅尚書左丞盧斐頓丘李廢皆

言魏史不直收啓齊主云臣既結怨彊宗

盧李山東望
族故以為彊

宗 將為刺客所殺帝怒於是斐廢及尚書郎中王松年

皆坐謗史鞭二百配甲坊

甲坊造
甲之所

斐廢死於獄中潛亦

坐繫獄然時人終不服謂之穢史潛度世之曾孫斐同

之子松年遵業之子也

盧度世見一百三十二卷宋明帝泰始三年盧同見一百四十

八卷梁武帝天監八年王遵業見一百五十二卷大通二年

夏四月柔然寇齊肆

州齊主自晉陽討之至恒州

恒戶登翻

柔然散走帝以二千

餘騎為殿

殿丁練翻

宿黃瓜堆柔然別部數萬騎奄至帝安

卧平明乃起神色自若指畫形勢縱兵奮擊柔然披靡

披普彼翻

因潰圍而出柔然走追擊之伏尸二十餘里獲菴

羅辰妻子虜三萬餘口令都督善無高阿那肱帥騎數

千塞其走路時柔然軍猶盛阿那肱以兵少請益

帥讀曰率

塞恚則翻
少詩詔翻

帝更減其半阿那肱奮擊大破之菴羅辰超

越巖谷僅以身免

同一高阿那肱也齊文宣用之則致死以破敵後主用之則賣主以求生

蓋厲威猶可使之知懼濫恩不足以得其死力也塞恚則反

丙寅上使散騎常侍

庾信等聘於魏

散恚賣翻
騎奇寄翻

癸酉以陳霸先為司空

丁未齊主復自擊柔然大破之

復扶又翻

庚戌魏太師泰

酖殺廢帝

五月魏直州人樂熾洋州人黃國等作亂

五代志西城郡安康縣齊置安康郡魏置東梁州西魏改曰直州漢川郡西鄉縣舊曰豐寧置洋州及洋川郡

考漢川志蜀分漢成固縣立南鄉縣晉改為西鄉縣魏廢縣仍於豐寧戍置豐寧縣開府儀同三

司高平田弘河南賀若敦討之不克若人者翻太師泰命

車騎大將軍李遷哲與敦共討熾等平之仍與敦南

出狗地至巴州後漢分宕渠北界置漢昌縣蜀先主置巴西郡宋武帝置歸化郡魏於漢昌縣

治置大谷郡又於郡北置巴州五代志巴州刺史牟

安民降之考異曰典畧云斬梁巴州刺史牟安平今從周書北史巴濮之民皆

附於魏春秋巴子之國三巴郡地是也春秋百濮之地在西域上庸之間濮博木翻蠻酋

向五子王陷白帝首慈秋翻遷哲擊之五子王遁去遷哲

追擊破之泰以遷哲為信州刺史鎮白帝信州先無儲

蓄遷哲與軍士共采葛根為糧時有異味輒分嘗之軍

士感悅屢擊叛蠻破之羣蠻懾服皆送糧餼遣子弟入

質

懾之涉翻懾許氣翻質音致

由是州境安息軍儲亦贍 桑然乙

旃達官寇魏廣武

魏收志東夏州偏城郡帶廣武縣五代志延安郡豐林縣後魏置廣武縣

及偏城郡宋熙寧九年省豐林為鎮併屬膚施縣

柱國李弼遣擊破之遣擊恐當作追

擊

廣州刺史曲江侯勃自以非上所授陳霸先推蕭勃為廣州刺史

史見一百六十二年內不自安上亦疑之勃啓求入朝直朝

卷武帝太清三年

五月乙巳上以王琳為廣州刺史勅為晉州刺史五代

志同安郡梁置豫州後改曰晉州上以琳部眾彊盛又得眾心故欲遠

之願翻琳與主書廣漢李膺厚善私謂膺曰琳小人也

蒙官拔擢至此今天下未定遷琳嶺南如有不虞安得

琳力竊揆官意不過疑琳琳分望有限言自揆分不敢懷非望也分扶

問翻豈與官爭為帝乎何不以琳為雍州刺史鎮武寧雍

用翻琳自放兵作田為國禦捍膺然其言而弗敢啓史言王琳

忠於所事而帝不能為國于偽翻散騎郎新野庾季才言於上曰去

年八月丙申月犯心中星今月丙戌赤氣干北斗心為

天王丙主楚分

分扶問翻

臣恐建子之月有大兵入江陵陸

下宜留重臣鎮江陵整飾還都以避其患假令魏虜侵

蹙止失荆湘在於社稷猶得無慮上亦曉天文知楚有

災歎曰禍福在天避之何益

天之警帝未棄帝也帝不知避是自棄也

六

月壬午齊步大汗薩將兵四萬趣涇州王僧辯使侯瑱

張彪自石梁引兵助嚴超達拒之瑱彪遲留不進將軍

尹令思將萬餘人謀襲盱眙

盱眙音怡

齊冀州刺史段韶

將兵討東方白額於宿預廣陵涇州皆來告急諸將患

之韶曰梁氏喪亂

喪息浪翻

國無定主人懷去就彊者從之

霸先等外託同德內有離心諸君不足憂吾揣之熟矣

揣初委翻

乃留儀同三司敬顯携等圍宿預

敬顯携當作敬顯儁

自引

兵倍道趣涇州塗出盱眙令思不意齊師猝至望風退

走韶進擊超達破之回趣廣陵陳霸先解圍走

趣七喻翻杜

僧明還丹徒侯瑱張彪還秦郡吳明徹圍海西

海西縣前漢屬

東海郡後漢屬廣陵郡齊明帝置東海郡東魏武定七年改海西郡今西海州即其地

鎮將中山

郎基固守削木為箭翦紙為羽圍之十旬卒不能克而

還

將即亮翻下同卒子恤翻

柔然帥餘衆東徙且欲南寇齊主帥

輕騎邀之於金川

唐志單于府帶金河縣其即金川歟帥讀曰率

柔然聞之遠

遁營州刺史靈丘王峻設伏擊之獲其名王數十人

鄧至羌檐衍失國

檐余廉翻衍戶庚翻

奔魏太師泰使秦州刺史

宇文導將兵納之

齊段韶還至宿預使辯士說東方

白額

說式芮翻

白額開門請盟因執而斬之秋七月庚戌

齊主還鄴

魏太師泰西巡至原州八月壬辰齊以

司州牧清河王岳為太保司空尉粲為司徒太子太師
侯莫陳相為司空尚書令平陽王淹錄尚書事常山王
演為尚書令中書令上黨王渙為左僕射 乙亥齊儀

同三司元旭坐事賜死丁丑齊主如晉陽齊主之未為

魏相也

相息亮翻

太保錄尚書事平原王高隆之常侮之及

將受禪隆之復以為不可

事見一百六十三卷簡文帝大寶元年復扶又翻

齊

主由是銜之崔季舒譖隆之每見訴訟者輒加哀矜之
意以示非已能裁帝禁之尚書省

崔季舒報徒邊之怨也

隆之嘗

與元旭飲謂旭曰與王交當生死不相負人有密言之

者帝由是發怒令壯士築百餘拳而捨之辛巳卒於路

卒子久之帝追忿隆之執其子慧登等二十人於前帝

以鞭叩鞍一時頭絕並投尸漳水又發隆之冢出其尸

斬截骸骨焚之棄於漳水齊主使常山王演上黨王

渙清河王岳平原王段韶帥衆於洛陽西南築伐惡城

新城嚴城河南城帥讀曰率九月齊主巡四城欲以致魏師

魏師不出史言齊強宇文泰畏之乃如晉陽魏宇文泰命侍中

崔猷開回車路以通漢中

按北史崔猷傳泰欲開梁漢舊路乃命猷開通車路鑿山

堙谷五百餘里至於梁州此特因舊路開而廣之以通車耳前史蓋誤以通字為迴傳寫者又去其傍為回也泰不書官而書姓亦無義例之可言也

帝好玄談

好呼到翻

辛卯於龍光殿

講老子

曲江侯勃遷居始興王琳使副將孫瑒先行

據番禺

將即亮翻番禺音潘愚

乙巳魏遣柱國常山公于謹中

山公宇文護大將軍楊忠將兵五萬入寇冬十月壬戌

發長安長孫儉問謹曰為蕭繹之計將如之何謹曰耀

兵漢沔席捲度江直據丹楊上策也

謂東遷建康也卷讀曰捲

移郭

內居民退保子城峻其陴堞以待援軍中策也

陴頻彌翻堞達

協翻

若難於移動據守羅郭下策也儉曰揣繹定出何策

揣初委翻下同

謹曰下策儉曰何故謹曰蕭氏保據江南綿歷

數紀

十二年為一紀

屬中原多故

屬之欲翻

未遑外畧又以我有齊

氏之患必謂力不能分且繹懦而無謀多疑少斷

少詩詔翻

斷丁亂翻

愚民難與慮始皆戀邑居所以知其用下策也癸

亥武寧太守均告魏兵且至帝召公卿議之領軍胡

僧祐太府卿黃羅漢曰二國通好未有嫌隙必應不爾

江陵諸將胡僧祐其巨擘也識見
如此烏能敵于謹哉好呼到翻

侍中王琛曰臣揣宇

文容色必無此理

去年王琛使魏故自謂揣其容色必無此事可謂不善於覘國者矣乃

復使琛使魏

復扶又翻下復講同

丙寅于謹至樊鄧梁王蒼帥衆

會之辛卯帝停講

停講老子也帥讀曰率下同

內外戒嚴王琛至石

梵

杜佑曰石梵在沔州沔口上又據梁書安成王秀傳石梵時屬竟陵界

未見魏軍馳書

報黃羅漢曰吾至石梵境上帖然前言皆兒戲耳帝聞

而疑之庚午復講百官戎服以聽辛未帝使主書李膺

至建康徵王僧辯為大都督荊州刺史命陳霸先徙鎮

揚州僧辯遣豫州刺史侯瑱帥新安程靈洗等為前軍

兗州刺史杜僧明帥吳明徹等為後軍

王僧辯一聞徹命當投袂勤王

可也外言部分諸軍不聞星馳電赴江陵覆沒僧辯之罪也帥讀曰率

甲戌帝夜登鳳凰

閣徙倚歎息曰客星入翼軫

倚欄而又徙處為徙倚翼軫楚荊州分

今必

敗矣嬪御皆泣

嬪毘賓翻

陸法和聞魏師至自郢州入漢口

將赴江陵帝使逆之曰此自能破賊但鎮郢州不須動

也法和還州望其城門

望烏各翻以白土塗城門示有喪也

著衰經坐葦

席終日乃脫之

著陟畧翻喪倉回翻此法和預為喪君之服設使法和果至江陵亦不能制魏

兵之攻圍此其徒欲神法和之十一月帝大閱於津陽

術託為之言以為能知來耳

門外江左都建康外城十二門門名皆用洛城門名帝都江陵外城門亦依建康城門名之津陽門城南

面東來第二門遇北風暴雨輕輦還宮癸未魏軍濟漢于謹令

宇文護楊忠帥精騎先據江津斷東路斷音短甲申護克

武寧執宗均是日帝乘馬出城行柵行下孟翻下巡行同挿木為

之周圍六十餘里以領軍將軍胡僧祐都督城東諸軍

事尚書右僕射張綰為之副左僕射王褒都督城西諸

軍事四廂領直元景亮為之副王公已下各有所守丙

戊命太子巡行城樓令居人助運木石夜魏軍至黃華

去江陵四十里丁亥至柵下戊子

越雋郡梁

置雋州雋音髓

畿弟新興太守機武昌太守朱買臣衡陽太守

謝答仁開枇杷門出戰裴機殺魏儀同三司胡文伐畿

之高之子也

臺城既沒裴之高赴江陵

帝徵廣州刺史王琳為湘東

刺史使引兵入援丁酉柵內火焚數千家及城樓二十

五帝臨所焚樓望魏軍濟江四顧歎息是夜遂止宮外

宿民家己亥移居祇洹寺

祇巨支翻洹胡官翻

于謹令築長圍中

外信命始絕庚子信州刺史徐世譜晉安王司馬任約

等築壘於馬頭

江陵南岸謂馬頭岸

遙為聲援是夜帝巡城猶口

占為詩羣臣亦有和者

和戶卧翻

帝裂帛為書趣王僧辯曰

趣讀曰促

吾忍死待公可以至矣壬寅還宮癸卯出長沙寺

戊申王褒胡僧祐朱買臣謝答仁等開門出戰皆敗還

已酉帝移居天居寺癸丑移居長沙寺朱買臣按劍進

曰唯斬宗懍黃羅漢可以謝天下

買臣罪其諫還建康也懍力任翻又力禁

翻帝曰曩實吾意宗黃何罪二人退入衆中王琳軍至

長沙鎮南府長史裴政請間道先報江陵

王琳為鎮南將軍以裴政

為府長史間古

覓翻下間使同至百里洲為魏人所獲梁王譽謂政曰

我武皇帝之孫也不可為爾君乎若從我計貴及子孫

如或不然腰領分矣政詭對曰唯命答鎖之至城下使

言曰王僧辯聞臺城被圍

時都江陵上臺所在故亦謂之臺城

已自為帝

王琳孤弱不能復來

復扶又翻

政告城中曰援兵大至各思

自勉吾以間使被擒當碎身報國監者擊其口

使疏吏翻監工

銜翻

譽怒使速殺之西中郎參軍蔡大業

梁置西中郎將於襄陽以蔡大

業為參軍

諫曰此民望也殺之則荊州不可下矣乃釋之政

之禮之子

裴之禮遂之子也

大業大寶之弟也時徵兵四方皆

未至甲寅魏人百道攻城

考異曰梁紀作辛卯誤也今從典畧

城中負

戶蒙楯

楯食尹翻

胡僧祐親當矢石晝夜督戰獎勵將士明

行賞罰衆咸致死所向摧殄魏不得前俄而僧祐中流

矢死

中竹仲翻

内外大駭魏悉衆攻柵反者開西門納魏師

帝與太子王褒謝答仁朱買臣退保金城令汝南王大

封晉熙王大圓質於于謹以請和

大封大圓皆簡文帝之子質音致下同

魏軍之初至也衆以王僧辯子侍中顧可為都督

顧魚豈翻

帝不用更奪其兵使與左右十人入守殿中及胡僧祐

死乃用為都督城中諸軍事裴畿裴機歷陽侯峻皆出

降

降戶江翻下同

于謹以機手殺胡文伐并畿殺之峻淵猷之

子也

淵猷長沙王懿之子

時城南雖破而城北諸將猶苦戰日暝

聞城陷乃散

暝莫定翻

帝入東閣竹殿命舍人高善寶焚古

今圖書十四萬卷

考異曰隋經籍志云焚七萬卷南史云十餘萬卷按周僧辯所送建康

書已八萬卷并江陵舊書豈止七萬卷乎今從典略周當作王

將自赴火宮人左右共

止之又以寶劍斫柱令折歎曰文武之道今夜盡矣

樊書

折劍以為文武道盡折而設翻

乃使御史中丞王孝祀作降文謝荅仁

朱買臣諫曰城中兵衆猶彊乘閭突圍而出賊必驚因

而薄之可度江就任約

任約築壘馬頭岸與江陵僅隔一江耳

帝素不便

走馬曰事必無成祇增辱耳荅仁求自扶帝以問王褒

褒曰荅仁侯景之黨豈足可信成彼之勲不如降也荅

仁又請守子城收兵可得五千人帝然之即授城中大

都督配以公主既而召王褒謀之以為不可荅仁請入

不得歐血而去

歐鳥口翻

于謹徵太子為質帝使王褒送之

謹子以褒善書給之紙筆乃書曰柱國常山公家奴王

褒

謹為柱國大將軍封常山公褒以此自處安能為帝謀乎

有頃黃門郎裴政犯門

而出帝遂去羽儀文物

去羌呂翻

白馬素衣出東門抽劍擊

闔曰蕭世誠一至此乎

左傳晉州綽攻齊東門以枚數闔杜預註曰闔門扇也世誠帝

字也魏軍士度整牽其轡

整七艷翻

至白馬寺北奪其所乘駿

馬以駕馬代之遣長壯胡人手扼其背以行逢于謹胡

人牽帝使拜

考異曰典畧云謹撫梁主令西至龍泉廟出武陵河東二王子孫於獄列於沙州

鎖械嚴酷瘡痍腐爛引梁主使視之謂曰此皆骨肉忍虐如此何以為君上無以應按武陵諸子先已餓死河東子孫亦應不存今不取梁王詥使鐵騎擁帝入營囚于烏慢之下

慢莫半翻

甚為詥所詰辱

詰去吉翻

乙卯于謹令開府儀同三司

長孫儉入據金城帝給儉云城中埋金千斤欲以相贈儉乃將帝入城帝因述詥見辱之狀謂儉曰向聊相給

欲言此耳

給蕩亥翻

豈有天子自埋金乎儉乃留帝於主衣

庫

此主衣庫在江陵金城中之禁中

帝性殘忍且懲高祖寬縱之弊故

為政尚嚴及魏師圍城獄中死囚且數千人有司請釋

之以充戰士帝不許悉令梟殺之

梟蒲頃翻

事未成而城陷

中書郎殷不害先於別所督戰城陷失其母時冰雪交積凍死者填滿溝塹不害行哭於道求其母尸無所不

至見溝中死人輒投下捧視舉體凍濕水漿不入口號

哭不輟聲

號戶刀翻

如是七日乃得之十二月丙辰徐世譜

任約退戍巴陵于謹逼帝使為書召王僧辯帝不可使者曰王今豈得自由帝曰我既不自由僧辯亦不由我又從長孫儉求宮人王氏荀氏及幼子犀首儉並還之

或問何意焚書帝曰讀書萬卷猶有今日故焚之亡國之

固不由讀書也

庚申齊主北巡至達速嶺行視山川險要將

起長城

辛未帝為魏人所殺

年四十七

梁王譽遣尚書傅

準監刑

監工衡翻

以土囊隕之譽使以布帋纏尸

帋普駕翻通俗文曰

三幅為帋

歛以蒲席束以白茅

歛力贍翻

葬於津陽門外并殺愍

懷太子元良始安王方略桂陽王大成等世祖性好書

梁王方智承制謚帝曰元廟號世祖好呼到翻

常令左右讀書晝夜不絕雖熟

睡卷猶不釋或差誤及欺之帝輒驚寤寤作文章援筆立

就常言我韜於文士

今人謂器幣有餘用者為寬韜與此韜同義

愧於武夫

論者以為得言

得言謂其自言者此為得之

魏立梁王詒為梁主資

以荊州之地延袤三百里

資以江陵緣江之地延袤三百里廣不及三百里也表音

茂

仍取其雍州之地

雍於用翻

詒居江陵東城魏置防主將

兵居西城名曰助防外示助詒備禦內實防之

魏克江陵因取

襄樊之地此正滅虢取虞之計詒雖悔之何及矣

以前儀同三司王悅留鎮江

陵于謹收府庫珍寶及宋渾天儀梁銅晷表

宋渾天儀元嘉十三

年錢樂之所鑄也梁

大玉徑四尺及諸法物盡俘王公

以下及選百姓男女數萬口為奴婢

考異曰典畧作五十萬今從梁紀

南史分賞三軍驅歸長安小弱者皆殺之得免者三百餘

家而人馬所踐及凍死者十二三

踐慈演翻下同

魏師之在江

陵也梁王督將尹德毅說答曰魏虜貪憚

說式芮翻憚與婪同盧舍

翻

肆其殘忍殺掠士民不可勝紀

勝音升

江東之人塗炭

至此咸謂殿下為之殿下既殺人父兄孤人子弟人盡

讐也誰與為國今魏之精銳盡萃於此若殿下為設享

會

下為于偽翻

請于謹等為歡預伏武士因而斃之分命諸

將掩其營壘大殲羣醜俾無遺類

殲息廉翻

收江陵百姓撫

而安之文武羣僚隨材銓授魏人懾息未敢送死

懾之涉翻

王僧辯之徒折簡可致然後朝服濟江入踐皇極

謂還建康

即位也朝直遙翻

畧刻之間大功可立古人云天與不取反受

其咎

漢蒯通之言

願殿下恢弘遠畧勿懷匹夫之行

匹夫之行小廉

小謹以自託於鄉黨行下孟翻

荅曰卿此策非不善也然魏人待我厚

未可背德

背蒲妹翻

若遽為卿計人將不食吾餘

左傳鄧祁侯之言

既而闔城老幼被虜又失襄陽

被皮義翻

荅乃歎曰恨不用

方智為太宰承制王褒王克劉歆宗懔殷不害及尚書

右丞吳興沈炯至長安

穀古岳翻
炯古迴翻

太師泰皆厚禮之泰

親至于謹第宴勞極歡

勞力到翻

賞謹奴婢千口及梁之寶

物并雅樂一部別封新野公

既封常山又封
新野故曰別封

謹固辭不

許謹自以久居重任功名既立欲保優閑乃上先所乘

駿馬及所著鎧甲等

上時掌翻著涉
畧翻鎧可亥翻

泰識其意曰今巨

猾未平公豈得遽爾獨善

巨猾謂齊孟子曰達則兼
善天下窮則獨善其身

遂

不受是歲魏秦州刺史章武孝公宇文導卒魏加
益州刺史尉遲迴督六州通前十八州自劍閣以南得
承制封拜及黜陟迴明賞罰布威恩綏輯新民經畧未
附華夷懷之

資治通鑑卷一百六十五